

**SALES
EPIGRAMMATICI
10. CENTURIJS,
SIVE UNO
MILLENARIO, ...**

Gerard : de Groos, Sebastian
Labe, Johann Georg Heintsch



6

21-c

24





K
x
70

~~6-21-24~~



33
















SALES

EPIGRAM-
MATICI

X. CENTURIIS,

SIVE

uno Millenario,

expressi:


AUTHORE

P. SEBASTIANO

LABE


è SOCIETATE JESU,

*Cum Privilegio Sac: Cas: Regiaq: Majest:
& Licentia Superiorum.*



S U M M A Cæsarei Privilegij.

*Cum Opusculum hoc, cui titulus: Sales Epigram-
matici, X. Centurijs expressi, operâ cujusdam Sa-
cerdotis, & Societate IESU Provinciæ Bohemiæ, con-
sueverunt, in lucem prodeat: omnibus Typographis per
universum Romanum Imperium, & Provincias
Hereditarias, amicè intimatur, nequid illud (citra ex-
pressus predictæ Societatis consensum) recudere, vel
alibi fortè recusum, in hæc partes intrudere, aut
divendere præsumat sub gravibus
pœnis in Diplomate Cæsareo
latius expressis.*



Sub Belaribus Anno 1711

ILLUSTRISSIMI

AC

REVERENDISSIMI

Domini, Domini

GODEFRIDI

KAPAUN,

LIBERI BARONIS

DE SWOYKOWA;

EPISCOPI

Samandriensis:

ARCHIDIACONI

ET

INFULATI PRÆLATI

Crumloviensis:

Sacra Cæsareæ Majestatis

CONSILIARII,

Nec

NEC NON

Per Districtum Bechinensem
ARCHIEPISCOPALIS
VICARII. &c.

Politioris Literaturæ

Promotoris ac Mecoe-
natis gratiosissimi,

Has DECEM Epigrammatum
seu COHORTES, seu CENTURIAS,

Ære suo conscriptas,

Ductoribus

Ejusdem ILLUSTRISSIMI

Gentilijs LEONIBUS,

Ex prælo, ad amica prælia,

in apertum campum

lucemque publicam

eduxit

AC PRÆSENTAVIT

Æternùm devota

Typographia Academica Coll: Soc: Jesu
Prag, ad S. Clementem.

PRÆFATIO

ad Lectorem.



Emirare, Lector benevole, à me, quem pro sacris rostris, etiamnum audis Oratorem, nunc Sales & facetias Tibi proponi. Debebat id officij votis Amicorum, qui has ingenij mei minutias; siue pro exhilarandis, acemiores Musas amanti-um animis, siue stimulandis ad imitationem Tyronibus, à me propè extorserunt. Quibus acquiescendum, eò securius promptiusque putabam; quòd exempla gravium victorum mihi pro clypeo non deessent; qui sepositis quandoque magis serijs, minutiora otij beneficio sectati, eadem posteritati, typò trans-miserunt. Honeſta certè studia, quantum-vis parva videantur, quia fructu suo non ca-rent, frustra reprehenderit boni communis studiosus.

Id unicè Te, hòc loci, rogatum velim, nè præpostero Epigrammatum nostrorum or-dine, & leviori, quàm fortè quæſivisti, acu-

nunc offendi Te patiare. Siquidem in
mentem ac calami incurrerunt, nã so char-
tam projecta, hac ipsã varietate, Lectori be-
n. volo, placere poterunt, unaque testari :
Rebus in humanis, nihil omni ex parte beatum.

Demum , protestor candidè , propo-
situm mei non esse, ut stylò hoc meo lædatur
quempiam ; sed aut prolim, aut delictum.
Culpã suã læditur, quisquis armatam aculeo
Rolam, minus cautè contrectans, vulnus
refert à spinis : aut usu indebito , legit de
melle venenum.

Ceterum, siquidem Tibi Sales nostros,
primis quinque Centurijs expressos, nuper
typis vulgatos, pleròsque ad salivam fuisse in-
telligam, en alias quinque Centurias (quem-
admodum adpromittere me incitavit) ut
hic adjicio, non minus, ut spero, placituras ;
quandoquidem eodem ex fonte collectim
omnes promānarint.

MILLE proinde SALES seu Epigrammata
Tibi Lector Candido, unã mecum, coram
sisto ad obsequia. Dabam Vetero-Pragæ ad
S. Clementem, Kalendis Januarij, 1685.

S. L. S. J.

Encomio Cygni, & Authoris.

Ad Nomen Authoris.

Labe! tuam Nomen patrum amantibus, *quis* caruit?

In quo consilia, *Militum*, *Olen*.

Labe Polentem, *Novum*, *Nobis* significat.

Aliud simile.

Authoris Metamorphosis.

Labe, quid hoc *Opus* transire videtis in *Albas*?

Quæ *Metamorphosis* volentur esse potest?

Alba res? *omnes* quo quot sunt in *Codice* versus,

Dulces *Cygnorum*, tot reor esse sonos.

In Authoris Calaisiensi.

Labe, tuam, qui *zeta* *telesta* *epigrammata* scribis,

Deveneror *pennam*: nunquid *Olen*, erat?

In Libelli inscriptione.

Pbi Cygnus *subscriptum* *litterarum* *Epigrammæ*.

Quod *præfixa* *libri* *nomina*, *Epigrammæ* *litterarum*.

Epigrammæ *litterarum* *nomina* *litterarum*.

At *tuus* *hic* *liber* *est* *Epigrammæ* *litterarum* *nomina*.

Principium, & *medium*, & *finis*, *litterarum* *nomina*.

Aliud.

Dulce *canit* *moriturus* *olor*: tu *vincis* *olorem*.

Per *Librum* *hunc*, *tuam* *post* *hoc* *Epigrammæ*, *canes*.

Ita *gradulandum* *accipiam*.

Georgius *Catharus*, *S. I.*

Typogr. *Acad.* *Præter*.

Ad Authorem præsentium Epigrammatum, nempe Martialem.

Propter *Centum*, *litterarum* *Epigrammæ*.

Propter *Centum*, *litterarum* *Epigrammæ* *litterarum*.

Epigrammæ, *quasi* *litterarum* *ab* *litteris*.

Mandas *prælia* *publicæ* *dici*.

Can-

*Amisemur ; ledere utrumque ; nullum
 Jamulque legemque voluisti.
 Ordini bene veras innocentem
 Consilium sacra fallas, ac Apollo ;
 Postque innoxia bella ; lauream
 Seu pacem tibi, seu velis triumphum,
 Sed Author nullo tu que iste belli
 Compellabere deinde ? MARTIALIS.*

Ita attinuit addidicimus

*Joannes Grumelotus, S. J. in Univer-
 sitate Regia Bloquentia Professor.*

Authori, eximio Ecclesiastica, & Poeta.

*Qui sacra, pio Rosini tam doctè oracula pandis
 Cygneò Rosini nunc quoque metro canis.
 Clarus utrobique est; Clarè tamè hunc modò possent)
 E rosinis rapetent ad sua sistra DEAE.*

Authoris cum Cygno comparari sineritis.

*Labe canis; Tabuq; canis; quia Cygnas utroque
 Ambo canore pares, ambo colore pares.
 Solò hoc differis: tu candidus, ille, et atra.
 Et niger; ille regis, conspectus, et
 Tabuq; solentis, et, quod est Cygnus.*

Ad Divam Virginem

Pro eximia, antequam incalumnitate.

*Gaudeo, te, Virgo, in rem sine labe fuisse:
 Ne tanta in Culo sit sine Labe, precor !*

*Se, cum Praeside suo, advoce
 Typographia Acad: Pragensi.*



EPIGRAMMATUM CENTURIA PRIMA.

Author ad Libellum.

HOc Dominus tibi mando tuus, nè læseris ullū,
Ut morfu, instar apis, non moriari tuo.

Ad Censores.

Nulli (displiceant si vobis ista) placebunt ;
(Si placeant) nulli displicitura scio.

Ad eosdem.

Arbitrio submitto tuo mea carmina Censor,
Paucis laudatis Arbitræ æquus eris.

Ad Lectorem.

Si quid inesse meis alienum videris (ut fit)
Carminibus, Dominos dixeris esse duos.

Author de se, ac libello suo.

Prodeat in lucem sinè Mecænate libellus :
Nam nec eget numis ipse, nec Author eget.

Idem de se.

Præ reliquis possem meritò peccâsse videri ;
Nec sinè *Labe* mihi nomen habere licet.

Ars Poëtica.

Ingenium in pedibus, qui nescit habere Poëtas,
In capite idem illos nescit habere pedes.

A

Ad

EPIGRAMMATUM

Ad Martialem.

Scripsisti meliora meis Epigrammata longè,
 Conster ut hoc, scribo deteriora tuis.

Epigrammatarijs.

Hoc opus, hic labor est. Epigrammata scribere; quidni?
 Ipsum Epigrammatibus sæpe *Epigramma* deest.

Ad eosdem.

Laus Epigrammatici non est postrema Poëtæ,
 In conciunandis versibus esse brevem.

Authoris Consilium.

Omnibus ut placeam, mihi non persvadeo; verùm
 Nulli ut displiceam, svadeo, nemo legat.

*In Ovenum, insignem Epigrammatarium,
 sed, proh dolor! in multis venerem.*

Quot quot olent Venerē tua carmina, carmina dicas?
 Non tam carmina sunt, quàm mera crimina sunt!

Martialis, & Ovenus.

Martis quòd fuerit Minister ille,
 Idcirco quoque Martialis audit;
 Ovenus Veneris fuit Minister,
 Ovenus meritò vocatur ergo.

*Ad R. P. Bohuslaum Balbinum è Soc: FESV,
 cujus Epigrammatum liber sæpius jam
 typis vulgatus.*

Scribo Epigrammaticum post Te, *Balbine*, libellū;
 Si Tibi sic placeam, ac Tu mihi, scribo librum.

In

CENTURIA PRIMA.

In Insignia Augusti: Domûs Austriaca,
aque in Pacem, ac Bella parata.

Candidus, ac Rubeus Tuus est, ô Austria! Campus;
Utrum vult, ex his eligat hostis, habet.

Ad Augustiss: Imper: LEOPOLDVM I^m.
de Bicipiti Imperij Aquila.

Romano Caput Imperio non sufficit unum?
Unum pro multis est LEOPOLDE tuum.

De eodem Augustissimo LEOPOLDO, in-
ter tumultus semper Inviçto.

Austerus licet Austriacos afflaverit Auster;
Mens tamen Austriaci Cæsaris una manet.

Adversus nundinas in Festis.

Dictum à carpendo Polycarpum carpere nolo:
Nolo Carpophorum carpere, carpo forum.

Festo S. Martini Turon: Episc. anser ma-
ctari solitus.

Ad conscribendum Martini encomia laudum,
Vult calamos anser suppeditare suos.

Aliud.

Martini exemplò, vultis è Corpore plumis,
Anser mendicum vult amicare suis.

Ad Typographum ex typo locupletem.

Emungunt alij Dominis Marsupia scribæ,
Unicus impingvat, quod scio, scriba tuus.

In Illiberalem.

Multa peto ? tu multa negas ; peto pauca ? nec illa
Das ; nihil ergo peto, tu nihil ergo nega.

In Calvum.

Est aliquid, cur me videre beatior esse,
Uno namque minus pectine memet eges.

Torvo cuidam Amico.

Si quàm sis torvus posses tu te ipse videre,
Ambigeres, an sit vultus amice tuus.
Aut muta vultum, si vis ab amante videri,
Aut ab amante, vide, ne videre, rogo.

In Pumilionem.

Curtus es, & quovis tibi longior esse videris :
Vmbram manè tuam, aut vespere mensus eras.

De Avaro.

Juxta Anagrammaticos pecuina pecunia cùm sit,
Esse potest dubium, num sit avarus homo.

Invidi & Osores multi.

Si tantùm figulus figulum, quod dicitur, odit,
Quæ numerosior est, quàm figulina tribus ?

Cuidam imperito Medico.

Cùm sis æger (ait Medicus) non uteris ullo
Cur Medico ? volo adhuc vivere, nolo mori.

Puer, Ebrius, ac stultus veriloqui.

Hi tres nulla sciunt mendacia dicere ; menti
Nam nequeunt contradicere : mente carent.

Sym.

CENTURIA PRIMA.

*Symphoriano, mirè deformi, at supra
modum ingenioso.*

Optares animum cerni, Corpúsq; latere,
Ut fieret pretium Symphoriane tui.

De Beato Stanislao Kostka Soc: JESV.

Panniculis gelidâ tinctis ad pectus egebat
Kostka, adeò fibras, lenilis ussit amor.
An non tunc unâ fontémq; ignémq; ferebat?
Nec tamen huic igni fons inimicus erat.

*Ad Societatem JESU, omnia sua munia sinè
stipendio exercentem.*

Omnia das gratis ! imò carò omnia vendis;
Omnia nam Caelò solvit, emítq; DEUS.

Dies Jovis, ac Veneris.

Anteit híc Venerem sinè fulmine Jupiter; olim
Non sinè fulminibus mille sequetur eam.

Ovum Paschale, & Agnus.

Mitto tibi Paschale Ovum, pro more, & amore.
Paschalem mittes, tu mihi rursus Ovem.

*Sanitas, & insania in poculis: ad
Helluonem.*

Ut sanus vivam, mihi multùm, ac sæpe propinas;
Ut sanus vivas tu, repropino nihil.

In flaccum, oppidò garrulum, ac dentatum.

Egregiè garris, & habes tot in ore molares,
 Posse tuum os dici, quid puto, *Flacce?* molam.

In mulierem annosam stibio utentem.

Quatunvis anus es, non vis tamen ulla videri,
 Quid superest, ut anus non videare? *mori.*

Gibboſo Parenti.

Grossior est digitus, dorso Patris, ausus es olim
 Dicere de digito, Rex Roboame, tuo.
 Dixerit hoc Roboam; de te quid filius inquit?
 Sum minor ecce Patris tergo, totus ego.

Infantis Ænigma, Oedipo propositum.

Cotta meus Pater est; sed ego non filius ejus,
 Quà ratione rogas Oedipe? filia sum.

Podagra.

Arbitrio Vatum nodosa Podagra vocatur:
 Si Podagra est nodus, Gordius esse potest.

Pauper Philosophus illiterato Diviti.

Pauper ego, tu dives opum; tu pauper, egoque
 Ingenio dives; ditior at quis? ego.

Guloni Pontico.

Quinquaginta tulit Briareus Pontice ventres,
 Unum tu, sed habes omnibus hisce parem.

Ætas

Ætas brevis.

Ajunt tercentum posse annis vivere Corvos,
 Quis, Corvò exceptò, posse, probare potest?

*S. Catharina: Doctor, Virgo,
 Martyr.*

A, *Catharina!* tuo tria sunt in Nomine; quorsum?
 Aureolas totidem significare puto.

Eadem lac pro sanguine fudit.

In Cœlo fecit Juno, via lactea ut esset,
 Ut sit & in terris nunc *Catharina* facit.

Hebdomas prophana.

Prima dies Solis, Lunæ altera, tertia Martis;
 Quarta est Mercurij feria, quinta Jovis.
 Sexta dies Veneris, Saturni septima: an ergo
 Contingit Vero feria nulla DEO?

*Ad Illustriſſ: ac Excell: Dominum D. Bern:
 Ign: Borzitam S. R. I. Comitem de Mar-
 tinitz &c. &c. de Ejusdem In-
 signibus.*

Nymphæ Bernarde Tux placuisse videntur
 Cœlo, cùm stellam junxerit hisce suam.

A 4

S. Ca-

S. Catharina, Virgo sapiens, è cujus sepulcro oleum scaturit.

Virginibus fatuis oleum defecit, & ignis,
Hanc oleum nunquam deficit, ergo sapit.

Cuidam senecioni.

Tu canus cùm sis juvenem me suspicis? intus
Canitiem Capiti reris inesse meo.

Uxor decrepito, ac Morbido Marito.

Plus ultrà quid agam Conjux Charissime? finem
Ut faciat morbis omnibus, oro DEUM.

Cupido Cæcus.

Nè placeas oculis, oculis qui captus es ipse,
Præstat sic omnes Cæce Cupido capi.

*Ad Virginem Angelinam, Votò Castitatis
ultroneò in perpetuum illigatam.*

Nubere si Virgo gestis feliciter; ergo
(Angelus est Tibi par, Angela) nube parì.

Oenopola.

Sunt bona mixta malis; vulgò proverbium dicunt,
Esse (bonis misces cùm mala vina) probas.

*De Potatoribus, inter Pocula, Divina
miscantibus.*

Multi inter Calices tantùm Divina loquuntur,
Quis Madido plenos tunc neget esse Deo?

Cui-

Cuidam indigno Gradu Doctorali.

Supponit nihilum si vera creatio ; dico
Ergo recens Doctor jure *creatus* erat.

Majus Rex Mensium.

Quidni inter Menses *Majus* Rex esse meretur ?
Nil, quàm sit *Majus*, Tempora *majus* habent.

In Calvum Polydorum.

In vitio est e mentitis adsciscere crines ;
Solut naturæ jus *Polydorus* habet.

Epitaphium Helluonis.

Vixit hic, ut biberet, sitiebat, & usque bibebat ;
Ut dubitetur adhuc, desieritne sitis ?

In Cottam, Nobilem deformem.

Ex genere, & forma cùm definitio constet
Tu definiri, res nova ! *Cotta*, nequis.

Cupreo.

Si tantum *Cupri* tibi solo excrevit in ore,
Estne ergo venter *Cuprifodina* tuus ?

In Vanulum.

Siccine Cæsariem respergis pulvere, & ambra ?
Omnes nos homines *pulvis*, & *umbra* sumus !

Nano.

Omnis homo quidam *Microcosmus* dicitur esse,
At melius titulus convenit iste tibi.

Inepto Authori, operi immortuo.

Author es imperfecti operis ; tibi gratulor ; inde
Plus modò laudis habes, dedecorisque minus.

Vinò sæpius incalescenti.

Est Deus in nobis, agitante caleſcimus illo !
Cedo, quòd stomachi vox fuit illa tui.

Sol, & Luna. Vir, & Mulier.

Luna præſt nocti, (fugiunt ſe) ſolque diei,
Ut vir declinet fæminam, & illa virum.

Æger, firmo ſe visitanti.

Quæ mihi nunc ægro ſolatia *Firme*, dedisti,
Pòſt paullò optarem reddere, *Firme*, tibi.

*In Mecanatem, merè Aulicum, ſeu
Verbalem.*

Multa ſponდიſti, nihil autem hucusque dedisti,
Dives pollicitis non niſi ſio tuis.

Aulice ! muneribus grates promitto viciffim,
At pro pollicitis, cùm mihi dentur, ago.

In veterato Tabacario.

Nunquam ſat potis es nares complere tabacò,
Anne tuus fundò naſus utrinque caret ?

Oculi impudici.

Si ſemel eſt oculis defuncta Modestia mater,
Papillas, oculos quis neget eſſe duas ?

For-

Forma natura fluxa.

Forma bonū *fragile* est ; Oculi, pars plurima formæ,
Sunt testes : quid enim sunt, nisi *vitra* duo ?

Aurum portabile.

Auri sacra *fames* ! verū *portabile* cū sit,
Auri præstaret dicere, sacra *sitis* !

Duplex Æternitatis Via.

Arcta via in Cælum ; Lata est, quæ ducit ad Orcū :
Illa nimis longa est, est nimis ista brevis.

De S. Andrea.

Andreana mihi, Cruce, Crux caruisse videtur,
Cui toties fixit basia, dixit Ave.

Andrea, Amico suo.

Si, velut Andreæ Crux quondam, in amorib' essem,
Vellem Crux fieri, non tamen esse tibi.

Mulier imperans, jugum intolerabile.

Nemo potest operam Dominis navare duobus,
Uni sed Dominæ sat bene nemo potest.

Euclioni librorum.

Dummodo cras iterum mihi librum manè redones,
Illum hodie serò vespere, dono tibi.

Marco litiganti.

Tu per Caussidicos alienæ, *Marce*, Crumenæ
Dixisti litem, Caussidicq; tuæ.

Sintne tuam promoturi bene, nescio, causam,
Sed promoturos, hoc scio, Marce, suam.

Monoculo.

Uno plus oculo cernis, quàm quisque duobus
In te oculis; unum is, tu duo Zizka vides.

Cuidam Barrocatō sapienti.

In te laudo Caput, non autem laudo Capillos,
Crines esse bonos non scio, at esse Caput.

In Barrocatum, parum sapientem.

In te damno caput, non damno verò capillos,
Fortè mali sunt hi, sed sinè fortè Caput.

*Friderico benefactori suo, gallum gallina-
ceum alis, & caudâ Phasiani instructum
sibi in epulum mittenti.*

Quem mihi misisti gallum, Friderice, comedi:
Phasiacum rursus do Friderice Tibi.

*De Venera: P. Joanne Mehrer è Soc: JESU
à Sanctitate Vita celebri, post mortem
mirabiliter immutato.*

Tam sibi dissimilem spectavi à morte Ioannem;
Ut migrâsse etiam Corpus in Astra putem.

Epitaphium Salomonis.

Hic jaceo Salomon. Sapui, sapijque, nec ultrà:
Quis quis enim sapit hic, non sapit; antè sape.

Cui-

Cuidam Hyperbolico Laudatori suo.

Par sum Lusciniaë, è sacris dum dissero rostris;
Quo pacto? vox sum, prætereaque nihil.

Rosa.

A, notat *alborem*; R, signat verò *ruborem*;
O, odor esse potest; S, *sapor* esse potest.

In Strabonem.

Ergone nos omnes *Strabo* peccavimus in te?
Nos oculo quòd non intueare bono?

Furi eleganter comato.

Scisne tuis quid adhuc desit, fur crispe, capillis?
Absolnæa tibi quercus, & aura deest.

Dilectæ Matri suæ Societatis JESU, tot millium librorum Authori.

Millia conscribis librorum, & millia vulgas,
Viva appellari *Bibliotheca* potes.

In surdastrum mala vita.

Surde tuam nolo, te coram, carpere vitam,
Carpo absens: *audis*! quomodo? *surde, male.*

Testis iniquus.

Est tibi perjurus *Testis*, Respublica, pestis;
Idcirco appendix optima, *testis* erit.

Au-

Aulicus, & Aula.

Aulæis amat Aula tegi, nè quid sit apertum ;
Aulicus at *larvam*, ne sit *apertus*, amat.

In Aulum mercatorem, malum Anagrammatarium.

Est sibi dissimilis *Luna*, ulna simillima semper,
Luna sed ex *ulna* sæpe fit Aule tua,

Solius hominis inter animantia Cor in lavam declinat, ait Aristoteles.

Cor hominis solum, in *lavam* declinat ; an ergo
Fidendum magis est bruto, hominique minùs ?

In Calvum.

Dic ubi *calve* geris, possim ut discernere, *frontem* ?
Hic ais ; hoc ipsum, dic mihi rursus, *ubi* ?

De S. Clemente P. M.

Quando Tuo *Clemens* appensa est Anchora collo,
Naclerus Tua mens, & *Scapha* Corpus erat.

In Mendicos nostri temporis.

Est *mendicorum* toto ingens copia mundo,
Est sed *egenorum* parvula turba modò.

In Theologum mala vita.

Scire, ais, & *facere*, hæc duo sunt diversa ; negabo ?
At respondebit *mox* tua Vita ; *Probo*.

Lectio.

Lectori.


Scísne Oratores fieri, nascíque Poëtas?

Nasci, non fieri sic Epigramma scias.

Eidem.

Si de centum istis, epigramma expunxeris unum;

Tota hecatombe, uno sic pereunte, perit.



EPIGRAMMATUM

CENTURIA SECUNDA.

Ad Libellum.

Perge bonis avibus, velísque libelle secundis,
Tum demum titulo, réque secundus eris.

Ad Lectorem.

Ordine nostra legi cuperemus Carmina Lector,
Ne bona prætereas, prætereundo mala.

Amicis.

Non mihi, sed vobis debeat Epigrammata, lucem
Quod videant, quòd sint qualiacunque, mihi.

Censorio Catoni.

Si tibi dissipiant, cùm legeris ista; facetos,
Si potes, *insulsis* versibus adde *sales*.

Eccle-

Ecclesia Romana.

Roma Caput mundi: quid mundus, & omnia mundi?
Esse decet, Capiti subdita membra suo.

Papa, & Ecclesia.

Papa Pater dictus, dicta est Ecclesia Mater,
Hæc digna est Matris nomine, & ille Patris.

Humani Generis Redemptio.

Unum duntaxat verbum (*Verbum Caro factum*)
Nostra salus hominum constitit una DEUM.

Ad Christum sæpius colaphis casum.

In malo peccavit Adam; peccavimus omnes!
Nunc tua, ob hoc malum, tot mala, mala luit.

*In Insignia Catholici Hispaniarum
Regis.*

Erexit sibi magna duas Hispania Turres,
Inconcussa Fides est utriusque basis.

*Ad Insulam Cretam, sub Turcarum
Potestatem redactam.*

Creta vocabaris, jam desine Creta vocari,
Carbonis posthac nomine digna magis.

S. D. N.

CENTURIA SECUNDA. 17

*S. D. N. Papa Clemens IX. ob Candiam à
Turcis ereptam 1669. credibiliter præ
dolore mortuus.*

Candia Clementi Papæ fuit anchora Nono,
Quem jactu (cheu !) traxit in ima suo.

*Ad Sereniss: Electorem Saxonie, de Insigni-
bus ejusdem.*

In Clypeo geminum fers Saxo antiquitus *ensem*,
Imperij Summum quo tueare *Caput*.

*Ad Illmū, & Rmū D. Maxim: L. B. de
Schleinitz Basilica S. Stephani Litome-
ricij Fundatorem.*

Ædificata Tuis stat aprico Ecclesia colle
Sumptibus, Ædili, ac Martyre digna suo.
Non satis est ; sed viva etiam stant undiq; *Templa*,
Virtutum exemplis, ædificata Tuis.

De Gentilitijs Slavatarum fluvij.

Ternos stemma gerit Slavatarum antiquitus amnes,
Uno duntaxat plus Paradisus habet.

De iisdem.

Hæc Tria Virtutis Slavatinæ Flumina testes ;
Nunquam, quantumvis undique plena, tument.

De

*De S. Leopoldo, Archiduce Austriae,
cognomento Pio.*

Hoc Leopoldina Pietati ô Austria! debes,
Quod semper Dominos experire Pios.

In Gnolphum.

Formosos pueros stupidescere, quando senescunt,
Gnolphe ais; ergo etiam Tu speciosus eras?

*In eos, qui in Concavo Luna Silvas per-
peram asserunt.*

In Luna quid opus, quas nescio, fingere silvas?
Lignis, qui situs est cominus ignis, eget?

Atheismus Grammaticalis.

Quis negat esse Deum? nōne Athe? Athe? inquis;
Haud tamen Atheus est, qui negat esse DEUM.

Doctōri Podagrico.

Non jacet in molli veneranda scientia lecto,
Quomodo non tecum sæpe jacente, jacet?

*Xaverianum: satis est Domine,
satis est!*

Ah satis! ah satis est! geminat Xaverius; infer
Dum quis habet J E S U M, tunc bis habere satis.

Ejusdem: ampliùs Domine, Ampliùs!

Ampliùs inclamat Xaverius ampliùs! illi
Ampla Crucum messis, non satis ampla fuit.

Ad

*Ad RR. PP. Cistercienses Cœnobij Offec: in
Boh: in quo S. Joan: Bapt: digitus
religiosè asservatur.*

Nosse licet fortem, vël solo ex ungve leonem ;
Agnos ex digito hoc vos quoque nôsse licet.

Aliud.

Pulchrum est monstrari digitis, & diciet *hic est* ;
Et vos ostendi hoc *Indice* grande decus !

De Aëre, & Aere.

Aëre mobilius nihil est, leviúsque vicissim
Aere nihil gravius, nobiliúsque nihil.

Dives, & Pauper.

Pauperis est, numerare pecus ; non pauperis autem
Est numerare pecu, qui legis adde, niam.

Pauper in Divitem.

Pauperior sum te, quando vigilamus uterque,
Quando dormimus, pauper uterque sumus.

*Ad Libellum Th: de Kempis, multis viris
doctis usu familiarem.*

Quisque in te, quod discat habet, quem sæpe, diúque
Tanti Doctores nôste, diéque terunt.

Virtus.

In medio Virtus, vitijs stipata duobus :
Inter latrones incidit ergo duos.

De

De S. Ambrosio Eccl: Doctore.

Ambrosiam Vereres, potum dixêre Deorum,
Ambrosius Divûm potus, & esca fuit.

In Molitorem.

Non tam furfuribus, vox furfur convenit ipsis,
Quàm tibi, qui fur, fur fufuris esse soles.

Lalio Homini bruto.

Romano jactare potes te sanguine natum:
Nam Romæ Bruti stemma fuisse, lego.

Fidicini præclaro, sed parùm veraci.

Ajo tibi Citharæde fides non esse negandas
Incertum tamen est, an tibi danda fides?

Macro furi.

Nunc macer es, sed eris, postquam pendebis, obesus,
Quando tuum volucres undique corpus edent.

Imperito Pictori, & imperfecto.

De te nemo potest, nisi falsò dicere: *pinxit*;
Verùm: *Pingebat*, dicere quisque potest.

*De S. Nicolao, in cujus memoriam, in festa
illius munera conferri solent.*

Non satis est Divo, tres dotavisse puellas.
Nunc etiam largas porrigit ille manus.

Mu-

Mulier Apocalyptica, Virgo Immaculata.

Cœlestem Dominam, Cœli ornamenta venustant,
Sol corpus, frontem Sidera, Luna pedes.
Ergò quam Dominam Cœli, Cœlum undiq; vallat,
Quâ terræ, aut Erebo porta patere potest ?

*Ad B. V. sinè labe conceptam, Author
de se.*

Quæ semper sinè labe fuit, nive purior omni,
Optarem ! in Cœlo nè sinè Labe foret !

Ad S. Petrum.

Descebas quando tua tu perjuria Petre,
Ingens in cœlo tunc, puto, risus erat.

Ad eundem.

Gutta cavat petram, non vi, sed sæpe cadendo ;
Gutta cavat pariter sæpe cadendo Petrum.

Quinque sensus.

Quinq; hominis sensus sunt ostia quinq; malorum,
Janitor illarum sunt duo : *nolo, volo.*

• *Visus.*

Cœu inter sensus, nullus perniciosior isto,
Sic etiam nullus perniciosior est.



Ad-

Auditus.

Verba, sonusq; aures mulcent, eadémque fatigant,
Verba ergo fiunt verbera, onusque sonus.

Gustus.

Gustus in ore sedet, comedóque bibóque vocandus,
Quò sapit illi plùs, hoc sapit ipse minùs.

Tactus.

Sentiat ut Tactus, caro sit, seu corpus, oportet;
Quis minùs hoc sensu spirituale sapit?

Olfactus.

Totus odoratus, situs est in naribus; ô si!
Quàm mihi sordet humus, dicat, olétq; polus!

Caput.

In populo Caput est Princeps; in Milite, Dux est,
At caput in membris convenit, esse Caput.

Stomachus.

Omnia consumit, tandem & consumitur ipse;
Omnibus est tumulus rebus, & ipse sibi.

Cor inter manus medium.

Inter utramq; manum mediat cor, ut hisce duabus
Ceu volitans alis, possit in astra rapi.

Oculi.

O! Oculi scopuli! tantò plùs verò timendi,
Quantò plùs mergi debueratis aquis!

An-

Aures.

Credita ut in vobis, aures, arcana putrescant,
Materies intus computrefacta monet.

Nares.

E cerebro in nares humorum copia stillat,
Quàm multum debet naribus ergo caput !

Lingua.

Membris præ reliquis delinquere lingua videtur,
Cum sua perpetuo carcere, facta luat.

Os.

Quid juvat os oris, si non habet intus os offis,
Si mandare potest, mandare verò nequit ?

Genæ, seu Mala.

Nonne genæ dignè plectuntur in igne gehennæ,
Cum malæ fiunt, ob malefacta, malæ ?

Frons.

Frons non effrontis, frons frontis digna vocari ;
Sed frons effrontis, frons sine fronte magis.

Manus & Pedes.

Sunt deni in manibus digiti, pedibus quoque deni,
Præcepta, ut servant pèsque, manúsque, decem.

In Voluptuarios, agentes : Nullum
sit pratum &c. Sap. 3.

Quàmvis conveniat pratis ridere ; scelesti !
Iisdem conveniet, jam puto, flere magis.

Ad

*Ad Celeberri: Universitatem Pragen: de
tuenda Immaculata Conceptione, quot annis
sefe iuramento obstringere solitam.*

Magna fuit iuramento reverentia semper,
At nunc debetur, sub Jove, summa tuo.
Nam cum Conceptam jures sinè labe M A R I A M,
Jus quoque jurandum fit sinè labe tuum.

In Lentulum.

Lentule lentulus es ; desisti lentulus esse,
Cum vinò, aut somnò Lentule lentus eris.

Senecioni stupido, nomine, Salomoni.

Quid Salomon Salomonis habes ? nisi fallor, id unū ;
Quando puer fueras , ingeniosus eras.

Ad S. Luciam, pro oculis Patronam.

Nolo meos cures oculos ô Diva ! sed opto,
Ut fiant similes, Lucia Virgo, tuis.

In Nanum.

Ægrè fers, Nanum te passim, Nane, vocari,
Te licèt Enceladum dixero, Nanus eris.

*Heraclitus, & Democritus : Oveniano
contrarium.*

Flevit Heraclitus, Democritus omnia risit ;
Ridendus, simul & flendus uterque fuit.

Ad

Ad Amicum.

De Morbo nescire meo te, scribis, Amice ;
De Morbo cuperem scire nec ipse meo.

In Hæreticos.

Qvidni purgantes flammæ omnino negetis,
Quas DEUS hæreticis omnibus ipse negat ?
Solum supplicij decretum creditis Orcum,
Quem DEUS hæreticis omnibus ipse probat.

Zoilo.

Plurima cum carpas, *Polycarpus* es ergo vocandus,
Ut tu convenias *Nomini*, idemq; tibi.

Momus.

Ludicra dum tractat, mihi serius esse videtur ;
At quando tractat seria, ludicer est.

Ad S. Thomam Ap. lanceam confossum.

Vulnera vidisti, tetigisti Vulnera ; felix !
Longè felicem lanceam tacta facit.

De eodem.

Huc infer digitum ! Thomæ olim dixit JESUS,
Nunc Thomas Christo dicere posset idem.

Par Sartorum.

Jam Vetus est : *figulus figulum* (cui dicitur) odit
Odit sartorem sartor, an ergo novum ;

B

Te-

Testamentum Commune omnibus.

Nescio, cujus erunt, quæ nostra hucusque fuerunt;
Ex testamento, Posteritatis erunt.

Quis legitimus hæres?

Nemone legitimus rerum Possessor, & hæres?
Cum mors, hæredem scribere, cogat avum?

Amico variabili.

Vertumnus, quidam Vatum, appellavit amorem.
Obsecro, vertumnus ne sit, amice, tuus!

In milites, ex pugna fugitivos.

Turpiter, ô probrum! vertistis terga; putastis,
Cum fuerit Martis, Mercurij esse diem?

Nasoni.

Immemor ipse tui nè possis esse, monebit
Naso oculos, quid sis, Nasus ubique tuos.

Vera Nobilitas, quæ?

Fuso Nobilitas in sanguine constitit olim,
Constat in infuso sanguine sæpe modò.
Olim solliciti Patres gesta addere gestis,
Nunc titulos titulis accumulare, nepos.

DEI, ac Dæmonis diversa sementis.

Sementem jacet Ille bonam, jacet alter inanem,
Suscipit eventus dispare, cordis ager.

S. Jo-

*S. Joan: Bapt: Parentibus senibus
natus.*

Magnus erat, coram Domino, *Baptista* futurus;
Tantum igitur meritò parturière diu.

Christo nato. Chorale Angeli.

Ut quid Epos melicum, toto sonat Orbe canorùm?
In terras saltum fecit ab axe DEUS.

ad Jesulum.

Ut mihi cor raperes furunculus esse volebas,
Ut quid enim, ceû fur, JESULE, nocte venis?

Natus nudus.

Nè quæ in vindictam sub veste latere putemus,
Fulmina, nasci omni vult sinè veste DEUS.

De stella Magorum.

Occasus Regum portendunt sæpe Cometa,
Orum hic portendit, Christe Cometa, Tuum.

Alteri Cræse.

Non postrema inter numero miracula Cræse,
Si nummis plena est corbona, corque bonum.

Superbo.

Lucidus è fumè caligine noscitur ignis,
At mens è fumo noscitur atra suo.

Epitaphium deprecantis omne epitaphium.

Ipse sepulchralem sibi versum condidit, ajens :
Nemo velit tumulo scribere lemma meo.

Cristato.

Quando tuo tremulæ volitant in vertice cristæ ;
Quid mirum, *alatum* quòd petat *alta*, caput ?

Arunco.

Flōrenis ter quinque, *asini* caput esse solutum.
Legimus : an tanti constat, Arunce, tuum ?

*De fructu vetito : malumne fuerit,
an ficus !*

Disceptent alij, fuerit malumne, ficusne ?
Seriùs, experti, discimus esse *malum*.

*Melchiori, Musico præclaro. Melchior
anagram. Mel chori.*

Præclarè nōsti pietatem accendere cantu
Melchior, ut dici *Mel* mereare *Chori*.

Multiloquo. Verbum Caro factum.

Quid Verba agglomeras verbis ? vis omnia scire ?
VERBUM unum, si vis omnia scire, *jat* est.

Tres

*Tres Personæ, Divinæ, & quatuor
Elementa.*

In Cœlo Tres sunt ; in Terra Quatuor ; istis
Ex quatuor fiunt omnia, iisque Tribus.

Pater Æternus.

Quis Patrum sine Patre fuit ? Patrem esse negabo,
(Patre DEO excepto) qui sine Patre fuit.

DEI Filius.

Par Genitor Genito ; Genitus quoque par Genitori ;
Posterior non est ille, nec iste prior.

Spiritus sanctus.

Si Patri, aut Genito, DEUS impar Spiritus esset ;
Ambo *exspirarent*, Filius, atque Pater.

Ignis.

Magna fames Igni ! nec enim est satiabilis usquam,
Et licet arderent omnia, nulla sitis !

Aër.

Vix est sensibilis, nedum palpabilis, Aër,
Quiddam ergo spirat spirituale bonum.

Aqua.

Est aqua (ceû dicas à qua sunt omnia) dicta ;
Quod post *Baptismum*, verius esse puta.


Terra.

Arida principiò ; nunc, humida terra videtur ;
Omnia cum fieri putridâ constet humo.

Comp'ementum Centuriæ Secunda.

Principium rerum cùm sint elementa, secundi

Hæc eadem finis sint elementa libri.



EPIGRAMMATUM

CENTURIA TERTIA.

Tardo Censori.

Quomodo nostra valent Epigrammata? suspicor, agrè;
Cùm Domino redeant *serius* illa suo.

Ad Lectorem,

Non minis, aut pluris in ea, Lector, ut æstimet, opto
Carmina, quàm quanti Bibliopola dabit.

Ad eundem. Versus, anagramma,
Servus.

Quando fit inverso, *Versus*, de nomine, *Servus*,
Officio Domini fungitur ille sui.

De se, ac suo Libello.

Si fuerint aliquâ versus hi *labs* notati,
Quid mirum? proles à Patre, nomen habent.

Lectori.

Qui mea sæpe leges, *lectissima* Carmina reddes,
Sicut *lecta* facit, qui semel illa legit.

In-

CENTURIA TERTIA.

51

Insignia Romani Pontificis.

Ternas Papalis gerit una Tiara Coronas?

Unum est, ac summum sub Jove, Papa Caput.

*Ad Aug: Casarem LEOPOLDUM I.
de Mahometanis, ac Tartaris ad S. Gothar-
dum Triumphatorem, Anno 1663.*

Jam vetus, ac vulgò tritum est anagramma, repertū

In Leopoldino Nomine: pello duos.

Fecisti Leopoldo novum; Victorque duorum

Jure novo, de Te dicito: Pello duos.

Insignia Regis Christianissimi.

Gallia præsefert tria in uno Lilia Campo,

O! Flores! Christi quàm bonus estis odor!

De esca, & potu Christi.

Parvulus Emmanuel comedet cum melle butyrum,

Vinum myrrhatum postea, fêlq; bibet.

De S. Proto-Martyre Stephano.

Dum Stephanus Cœlos è terris spectat apertos,

Quidni Judæi tartara aperta vident?

Ad Eundem S.

Si fuerint (ut erunt) jacta in Te saxa, Pyropi,

Par erit in pretio nulla Corona Tux.

B 4

De

De S. Joanne Evangelista, quem diligebat
7 ESUS.

Divinum supra pectus jacuisse Ioannem,
 Quam mirum ! cur hoc ? esse cor intus amat.

De SS. Innocentibus MM.

Vix nati, fundunt Pueri cum sanguine vitam,
 Nempe illis mors est vivere, vita mori.

De S. Silvestro.

Nil Tibi Sivester silvestre, nihilque ferinum,
 Solum Silvestri nomen inane Tibi.

Author anserinae pennae suae, quâ Philoso-
phiam, ac Theologiam totam, eâdem nu-
mero, septenniô, scripsit.

Septem olim Iacob, pro te Lia, servijt annos,
 Septem alios pro te, captus amore, Rachel.
 Septenni obsequio mea penna lucratur utramque:
 Philosophia, Lia est, Theologia Rachel.

De eodem Calamo, qui unicâ intinctione
contentus, horariae scriptioni, sufficienter atra-
mentum, citra ullam fraudem, submi-
nistrabat.

Quantumvis bibulus dicatur, & audiat anser,
 Anseris hæc bibuli sobria penna fuit.

Ad

Ad Lunam Othomanicam.

Luna incrementum, decrementumq; videmus :

Decrementum opto, Turcica Luna, tuum !

Hugolino.

Atrum cūm tibi sit, tinctum fulgine, mentum,

Estne atramentum, mentum, Hugoline, tuum ?

Cur circumcissus Iesulus ?

Plurima contraxit, nostri ergo, debita Christus,

Quæ cūm non posset solvere, pelle luit.

De Eodem.

Quām J e s u s, nostri citò febricitârît amore,

Conjecturam ex hoc sanguine, quisque cape.

Ad Eundem.

Quis consanguineum Te nostrum Chrîste negârît,

Quum consanguineum sanguis hic, esse probet ?

Strena.

Aurum non habeo ; nihil est pretiosius auro,

Hoc habeo, in strenam do nihil ergo tibi.

Nec nihil esse puta ; vel si nihil esse putâris,

Omnia de nihilo facta fuisse scias.

*Ad S. Norbertum, Eucharistiam manu
preferentem.*

Albentem sub farre Deum tua monstrat imago

Candor candori convenit iste tuo.

B 5

Im-

Ad Ejusdem Sancti Religiosos.

Præmonstratensis bene vester dicitur Ordo,
A præmonstrato farris in orbe, Deo.

Imperfectus Viro perfecto.

Nemo meas, & nemo tuas potis edere laudes ;
Est tibi nam virtus plurima, nulla mihi.

Gibboso à Nativitate.

Natus es in gibbis : non posses dicere de te :
Ante omnes colles parturiebar ego.

Imperito Kalendarista.

Plurima menda tui, (taceo mendacia) libri,
Cum de temporibus varicinantur, habent.

*Genethliacon cuicdam eximio Eloquentia
Professori, M. G.*

Rhetoricen denis docuisti Melchior annis,
Et quòvis hominum flectere quemque potes,
Nulla tamen tua me sic argumenta movebunt,
In pretio ut cesses esse, & amore mihi.

*In Christianum, Mundo, & Carni
deditum.*

Nemo potest aprè Dominis servire duobus,
Et servire, putas, te bene posse tribus ?

Ma-

Masculo Nasoni.

Parva, sed ingentem sortita culina caminum,
Appositè dici posset *imago tui.*

*De Luthero, ejusdèmq, Catharina de Born,
Lutherana Secta Authoribus.*

Lutherana fides Matre, & Patre gaudet; an ulla
Convenientius est hac fide *nata fides?*

*De Cometa tempore Nativitatis
Christi.*

Si quando mulier, veluti cimelia, Drachmam
Perdidit, accenso lumine quærit eam.

Perdidit ingentis pretij Cimelion æther,
Idcirco *accensam* hanc credimus esse *facem.*

*Ad Illmos tres Fratres S. R. I. Comites de
Sternberg, de Gentilitia eorum stella, à tri-
bus Magis, ad eos traducta.*


Cùm vestrum sit *Stemma trium* de *stēmate Regum.*
Ducet ad ipsum ergo *Vos* quoque *Stella Deum.*

De antiquitate Stemmatis eorundem.

Stelligeros quisquis *Proavos* numerare valebit,
Pœne etiam *Stellas* is numerare potest.

Ad eosdem Illmos.

Regibus una tribus quæ luxit *Stella*, relucet
Hæc eadem vobis *Fratribus una tribus.*



*desertim seculo, ab
mendatissima.*

*nia magnis,
magis.
ammata vivunt,
sa diu!*

erta nationis.

*Patte, Polonum.
I or @, ego.*

*ctore Ventrem,
ro geris.*

*I vox est :
typum!*

*tangit,
culisque foves.*

gorium.

*Matre sit aurum ;
rha manet.*

Nota liberalis.

*aurumq; dederūt;
na dedi.*

Pau-

Epitaphium deprecantis omne epitaphium.

Ipsè sepulchralem sibi versum condidit, ajens :
Nemo velit tumulo scribere lemma meo.

Cristato.

Quando tuo tremulæ volitant in vertice cristæ ;
Quid mirum, *alatum* quòd petat *alta*, caput ?

Arunco.

Florenis ter quinque, *asini* caput esse solutum
Legimus : an tanti constat, Arunce, tuum ?

*De fructu vetito : malumne fuerit,
an ficus !*

Disceptent alij, fuerit malumne, ficusne ?
Seriùs, experti, discimus esse *malum*.

*Melchiori, Musico præclaro. Melchior
anagram. Mel chori.*

Præclarè nòsti pietatem accendere cantu
Melchior, ut dici *Mel* mereare *Chori*.

Multiloquo. Verbum Caro factum.

Quid Verba agglomeras verbis ? vis omnia scire ?
VERBUM unum, si vis omnia scire, *jat* est.

Tres

*Tres Personæ, Divinæ, & quatuor
Elementa.*

In Cœlo Tres sunt ; in Terra Quatuor ; istis
Ex quatuor fiunt omnia, iisque Tribus.

Pater Æternus.

Quis Patrum sinè Patre fuit ? Patrem esse negabo,
(Patre DEO exceptô) qui sinè Patre fuit.

DEI Filius.

Par Genitor Genito ; Genitus quoque par Genitori ;
Posterior non est ille, nec iste prior.

Spiritus sanctus.

Si Patri, aut Genito, DEUS impar Spiritus esset ;
Ambo *exspirarent*, Filius, atque Pater,

Ignis.

Magna fames Igni ! nec enim est satiabilis usquam,
Et licet arderent omnia, nulla sitis !

Aër.

Vix est sensibilis, nedum palpabilis, Aër,
Quiddam ergo spirat spirituale bonum.

Aqua.

Est aqua (ceû dicas à qua sunt omnia) dicta ;
Quod post *Baptismum*, verius esse puta.

Terra.


Arida principiô ; nunc, humida terra videtur ;
Omnia cum fieri putridâ constet humo.

30 EPIGRAMMATUM

Complementum Centuriæ Secundæ.

Principium rerum cùm sint elementa, secundi

Hæc eadem finis sint elementa libri.



EPIGRAMMATUM
CENTURIA TERTIA.

Tardo Censori.

Quomodo nostra valent Epigrammata? suspicor, agrè;
Cùm Domino redeant *serius* illa suo.

Ad Lectorem.

Non minùs, aut plùs in ea, Lector, ut æstimet, opto
Carmina, quàm quanti Bibliopola dabit.

*Ad eundem. Versus, anagramma,
Servus.*

Quando fit inverso, *Versus*, de nomine, *Servus*,
Officio Domini fungitur ille sui.

De se, ac suo Libello.

Si fuerint aliquâ versus hi *labe* notati,
Quid mirum? proles à *Patre*, nomen habent.

Lectori.

Qui mea sæpe leges, *lectissima* Carmina reddes,
Sicut *lecta* facit, qui semel illa legit.

In-

Insignia Romani Pontificis.

Ternas Papalis gerit una Tiara Coronas?

Unum est, ac summum sub Jove, Papa Caput.

*Ad Aug: Casarem LEOPOLDUM I.
de Mahometanis, ac Tartaris ad S. Gothar-
dum Triumphatorem, Anno 1663.*

Jam vetus, ac vulgò tritum est anagramma, repertū

In Leopoldino Nomine: pello duos.

Fecisti Leopoldē novum; Victōrque duorum

Jure novo, de Te dicito: Pello duos.

Insignia Regis Christianissimi.

Gallia præferebat tria in uno Lilia Campo,

O! Flores! Christi quàm bonus estis odor!

De esca, & potu Christi.

Parvulus Emmanuel comeder cum melle butyrum,

Vinum myrrhatum postea, fêlq; biber.

De S. Proto-Martyre Stephano.

Dum Stephanus Cœlos è terris spectat apertos,

Quidni Judæi tartara aperta vident?

Ad Eundem S.

Si fuerint (ut erunt) jacta in Te saxa, Pyropi.

Par erit in pretio nulla Corona Tux.

De S. Joanne Evangelista, quem diligebat
7 E S U S.

Divinum supra pectus jacuisse Ioannem,
Quam mirum ! cur hoc ? esse cor intus amat.

De SS. Innocentibus MM.
Vix nati, fundunt Pueri cum sanguine vitam,
Nempe illis mors est vivere, vita mori.

De S. Silvestro.
Nil Tibi Sivester silvestre, nihilque ferinum,
Solum Silvestri nomen inane Tibi.

Author anserinae pennae suae, quâ Philoso-
phiam, ac Theologiam totam, eâdem nu-
mero, septenniô, scripsit.

Septem olim Iacob, pro te Lia, servijt annos,
Septem alios pro te, captus amore, Rachel.
Septenni obsequio mea penna lucratur utramque:
Philosophia, Lia est, Theologia Rachel.

De eodem Calamo, qui unicâ intinctione
contentus, horariae scriptioni, sufficienter atra-
mentum, citra ullam fraudem, submi-
nistrabat.

Quantumvis bibulus dicatur, & audiat anser,
Anseris hæc bibuli sobria penna fuit.

Ad

Ad Lunam Othomanicam.

Luna incrementum, decrementumq; videmus :

Decrementum opto, Turcica Luna, tuum !

Hugolino.

Atrum cum tibi sit, tinctum fulgine, mentum,

Estne atramentum, mentum, Hugoline, tuum?

Cur circumcissus Iesus?

Plurima contraxit, nostri ergo, debita Christus,

Quæ cum non posset solvere, pelle luit.

De Eodem.

Quam J e s u s nostri citò febricitârit amore,

Conjecturam ex hoc sanguine, quisque cape.

Ad Eundem.

Quis consanguineum Te nostrum Christe negârit,

Quum consanguineum sanguis hic, esse probet ?

Strena.

Aurum non habeo ; nihil est pretiosius auro,

Hoc habeo, in strenam do nihil ergo tibi.

Nec nihil esse puta ; vel si nihil esse putâris,

Omnia de nihilo facta fuisse scias.

*Ad S. Norbertum, Eucharistiam manus
praferentem.*

Albentem sub farre Deum tua monstrat imago

Candor candori convenit iste tuo.

B §

Im-

Ad Ejusdem Sancti Religiosos.

Præmonstratensis bene vester dicitur Ordo,
A præmonstrato farris in orbe, Deo.

Imperfectus Viro perfecto.

Nemo meas, & nemo tuas potis edere laudes ;
Est tibi nam virtus plurima, nulla mihi.

Gibboso à Nativitate.

Natus es in gibbis : non posses dicere de te :
Ante omnes colles parturiebar ego.

Imperito Kalendaristæ.

Plurima menda tui, (taceo mendacia) libri,
Cum de temporibus varicinantur, habent.

*Genethliacon cuidam eximio Eloquentia
Professori, M. G.*

Rhetorice denis docuisti Melchior annis,
Et quòvis hominum flectere quemque potes,
Nulla tamen tua me sic argumenta movebunt,
In pretio ut cesses esse, & amore mihi.

*In Christianum, Mundo, & Carni
deditum.*

Nemo potest aptè Dominis servire duobus,
Et servire, putas, te bene posse tribus ?

Ma-

Masculo Nasoni.

Parva, sed ingentem sortita culina caminum,
Appositè dici posset *imago* tui.

*De Luthero, ejusdemq; Catharina de Born,
Lutherana Secta Authoribus.*

Lutherana fides Matre, & Patre gaudet; an ulla
Convenientius est hac fide *nata* fides?

*De Cometa tempore Nativitatis
Christi.*

Si quando mulier, veluti cimelia, Drachmam
Perdidit, accenso lumine quærit eam.
Perdidit ingentis pretij Cimelion æther,
Idcirco *accensam* hanc credimus esse *facem*.

*Ad Illmos tres Fratres S. R. I. Comites de
Sternberg, de Gentilitia eorum stella, à tri-
bus Magis, ad eos traducta.*

Cùm vestrum sit stemma trium de stemmate Regum.
Ducet ad ipsum ergo Vos quoque *Stella* Deum.

De antiquitate Stemmatum eorundem.

Stelligeros quisquis Proavos numerare valebit,
Pœne etiam *Stellas* is numerare potest.

Ad eosdem Illmos.

Regibus una tribus quæ luxit *Stella*, relucet
Hæc eadem vobis *Fratribus* una tribus.

De Adoratione Magorum post Circum-
cisionem.

De genibus JESUM Reges venerantur ; Honore
Dignus eo *Cæsar*, *Cæsare* dignus honor !

Ad Caulam, in qua Christus creditur à tribus
Magis adoratus.

Caula vocabaris, jam desine *Caula* vocari ;
Regia nunc dici à Regibus *Aula* potes.

Ad Bibianum, de Rivola vîno.

Si venit à *Rivo*, sic dictum, *Rivola* vinum,
Quî petit ergo tuum, mi *Bibiane*, caput ?
Vita chara.

Qui *Medicè* vivit, *Mendicè* vivit ; at æger,
Malo, inquit, *Medicè* vivere, quàm *Modicè* !

Pictori novalibus abundanti.

Unde tibi, quæso, tam multa novalia, *Pictor* ?
Jam scio, *Cursores*, es quia *Pictor*, habes.

Ad quendam insignem Poëtam
hujus ævi.

Magnus Alexander sibi deesse dolebat Homerum,
Nunc quod Alexander desit, Homere, dole !

Grus, & Mulier.

Grus nimum garrit, nimum quoq; foemina garrit.
Obstruat, ut sileant, os utriusque, lapis.

No-

*Nobilitas, Bohema hoc præsertim sæculo, ab
ingenijs, ac literis commendatissima.*

Inclyta divitijs fuit antè Bohemïa magnis,
At nunc ingenijs inclyta facta magis.
Ingenio potiùs, quàm sang-vine stemmata vivunt.
Hoc etiam titulo vivere digna diu!

In Battum vagum incerta nationis.

Cùm sis, nescio, quis, mentiris, Batte, Polonum.
Est tua Gracæ fides, scribe, pol' or' & ego.
Gibboso.

Antè, ferunt alij, positum sub pectore Ventrem,
Tu, nisi fortè tibi sint duo, retro geris.

Pilatus.

Quod scripsi, scripsi; Pilati propria vox est:
Scribarum nostri temporis, ecce typum!

Podagrico.

Nulla tui memet peniculis miseratio tangit,
Qui podagram in plumis, panniculisque foves.

De Muneribus Magorum.

Pro stabulo thus est; pro paupere Matre sit aurum;
De reliquo IESVM, non nisi myrrhâ manet.

Religiosus in Jesulû, per 3. Vota liberalis.

Trestria dona Magi thus, myrrhâ, aurumq; dederunt;
Unus ego totidem, J E S U L E, dona dedi.

Pau-

*Paupertas aurum est ; Thus filia casta figurant ;
Votum parendi Myrrha fuisse potest.*

Paupertas Religiosa pretiosissima,

*Paupertate quid est toto pretiosus Orbe ?
Quam, nisi divendas omnia, nullus cimes.*

Troja.

*Troja fuit quondam toto clarissima mundo,
Dum Trojæ arderent omnia, clara magis.*

Evanidè glorianti.

*Quæ tua virtuti sociata industria gessit,
Marmore (sed Ponti Marmore) digna putem,*

*Religiosi Pauperis, in pauperes libera-
ralitas.*

*Auri sacra fames ! quæ nam sacratior istâ ?
Si mihi mille forent aurea pondo, darem,*

Amico, in lecto studijs vacare solito.

*An lectus venit à lectum, lecturæ supinis,
Multa quòd in lecto scripta, jacendo, legis ?*

Cuidam Pictori.

*Imprimis homines bellè depingere nōsti.
Nè me sic pingas, per tua, teque rogo.*

De Tacito.

*In libris Tacitus, multa est, & pulchra locutus ;
Inde mihi tacitus non reticendus erat.*

Quis-

Quisnam Senex ?

Iunior, ante senem quidam dum *mortuus* esset ;
Ecce ! senex inquit , me magis iste *senex*.

In Calvum.

Possit ut ante hominis mortem, *Calvaria* dici ?
Estne *Caput* : non est : excipe, *Calve*, tuum.

In deditum otio.

Otia sectari probro, vitareque laudi ;
Quid facias igitur, *nil faciendo*, vide.

De M. Joanne Huss.

E cinere, & *busto* redivivus surgere *Phoenix*
Dicitur, è *bustis Huss* quoque surge tuis !
Surget, at infelix supremo in tempore *Phoenix*,
* *Anser* ut æternum vivat in igne miser.

De Thermis.

Quis quis in hanc descendis aquam, memor, unde
scaturit.
Ut sua sit *Fonti* festa *Corona*, vide.

Stibio Utendi.

Sæpe tuam *Stibio* faciem dum pingis, & ungis,
Quod *natura* tibi non dedit, *arte* paras.
Tolle superficiem faciei, tolle *colorem*,
Et *facie* facies est caritura sua.

De S. Paulo.

Ut *Capiti* membrum Paulus *conformius* esset ;
Noluit in proprio corpore stare *caput*,
* *Huss Bohem: Anser.*

De

De eodem.

Vas fuit electum Paulus : num lacte refertum?
 Cum pertusum esset, non nisi lacte fluit.

Rerum instabilitas.

Tristia succedunt lætis, & læta vicissim
 Tristibus : *ambiguo* durat in Orbe nihil.

In Milium, in impostura deprehensum, &
à rusticis contusum, ut claudus fieret.

O ! Mili ! Mili *brevior* pede factus es uao,
 Te non iste bonas pes monet *ijisse* vias.

In eundem Milium.

A milio dictus mihi *Milius* esse videris :
 Non procul à *Milio Cannabis* esse solet.

De S. Sebastiano.

Dive ! suas in te jaculante furore *jagitas*,
 Factus es ætherco dignus *Amore scopus*.

De eodem Sancto.

Mors Pugiles alios telo prosternit in uno ;
 Unum in te *frustrà* plurima tela, jacet.

Cuidam Barrocatò.

Tanta capillorum super uno vertice *moles* !
 O quantum ! quantum subter *inane* tegit !
 Si tibi tam multus crevisset sponte capillus,
 Esset vix *cerebri*, nunc super, *umbra* tui.

Ca-

Cælum.

Cælum à *celando* quidam dixêre ; quis ergo
Arcana illius gaudia nôsse potest ?

Ad Calvos.

Quâ de Progenie descenditis ? anne biffontis
Vos ego de Jani posteritate putem ?

Cuidam Apostata, de S. Antonio.

Legitimis *redditis* Dominis *amissa* Patronus ;
O si te *Domino* redderet ille suo !

Gibboso.

Illa tuo, quæ fixa cohæret *mantica* tergo,
Nónne *grave* est pondus ? debet at esse *leve*.

Senatori juvenculo.

A senio dictum Veteres voluêre Senatum,
Ergo Senator tu non es ; at esse potes.

Ad Anabaptistas.

Qui propiùs Christi Baptismum attingere vultis,
Cur ad *Jordanis* non residetis *aquas* ?

Superbus.

Quem tumidè vanus turgentem spiritus inflat,
In mirabilibus se super, ire solet.

De S. Agnete.

Agnetis lateri semper comes additur, *agnus*,
Nè solum Agni illam nomen habere putes.

Ho-

Homo homini lupus.

Pisces majores constat glutire minores ;
Sic homo, majoris sæpe fit esca, minor.

Pauculi, Studiosi veri.

Si Studioforum, *nomen* spectare velimus,
Innumerus numerus, nè dubitemus, erit.
Contra, si *studium* spectare velimus eorum,
Vix poterit *Census* Pallas habere suos.

Intemperanti.

Tormentum ingenij bona, Flaccus, *Vina* vocavit,
Ingenium *pedibus* forsan inesse ratus.

Furi, unguibus aduncis.

Tu nec ab *Harpyis* latum discedis ad *unguem*,
Qui tantos *ungues*, vulturis instar, alis.

In Ovenum.

Carnalis magis es, quàm spiritualis, Ovene,
Carnem namque tuum *carmen*, Ovene, sapit.

Februarius plerumq, frigidus.

Si venit à *febris* mensis, *Februarius*, ergo
Quomodo non omnes, hoc veniente, tremant ?

Terra.

Terra nimis tetra est ; surgentibus hispida gibbis,
Jam crinita bimis, quæ modò calva nimis.
Jam nigra, nunc viridis, modò multicolorib⁹ herbis,
Mox nimium mollis, mox quoque dura nimis.
Deni-

Denique terra putris, terra aspera, squalida terra!

Non es *digna* hominis, non es amore; *vale!*

Pseuso-Politicus.

Frigidus, & calidus cum spiret anhelitus olli,

An tali ergo putas, est adhibenda fides?

Classis Pyratarum.

Prædonum classi *malus* non sufficit unus,

Quot numerat *Nautas*, fert tot & illa *malos*.

Furis-Perito.

Juris Consultus qui nunc *Clarissimus* audis,

A morte, eclipsin, ne patiare, *cave!*

De S. Mathia Apostolo.

In quem *Sors* cecidit, cecidit cum sorte *securis*.

Quam felix casus, *casus* uterque fuit.

Sorte tamen prima, *securior* ipsa *securis*

(Quod mox is Cœlis assereretur) erat.

Vinum regit.

Vina *coronabant* Veteres, ut scripta loquuntur:

Quid mirum, quod nunc *Regna* tot, illa *regunt?*

Mors ab avaro maximè timetur.

Nemo magis *mortem* metuit, quam *dives avarus*:

Sicut enim *furos* illa venire solet.

Loquaculo, de Horologio.

Quemlibet ante sonum tot sphaerae, orbésq; moventur,

Dum *percussa* ictu *Cymbala* risè sonent.

Tu,

Tu, ne pœniteat, te aliquando fuisse *locutum*,
Dispicias, par est, expediâtne loqui?

Horologium solare.

Sole serenato stylus umbram, umbra indicat horam,
 Hora secuturum, quemquē docebit, opus.

Tempus.

Tempus *præteritum*, *præsens*, est atque *futurum*,
 Pars quota de toto hoc tempore nostra *modò* est?

Aurora.

Nuncia paulisper venturi *Aurora* dici,
Aurea quàm bellè diciet *hora* potest!
Aurea sit quàmvis, tamen est *invisa* frequenter;
Visa quibus *raro* scilicet esse solet.

Manè.

Manè color rebus, facièsq; reducitur Orbi,
 Corporibúsq; redit mens, animóq; vigor.

Dies.

Quid mihi cum *Stellis*; alijsq; minoribus astris?
 Cùm mihi Sol faveat, cetera curo nihil.

Hesperus, idem cum Phosphoro.

Hesperus, inducit tenebras, inditq; soporem,
Phosphorus at factus, rursus utrumq; fugat.

Nox.

Nox licet innumeris *oculata* sit undique stellis,
 Cernit at illa suo cœlite *Fratre* minùs.

Cen-

Censori.

Hæc si perpetuæ noctis caligine damnes ;
 Hisce bonum, nunquam dicere, manè licet.

XXXXXXXXXXXXXXXXXXXXX
 EPIGRAMMATUM
 CENTURIA QUARTA.

Lectori.

A Uthoris fies Mecænas, atque libelli,
 O Lector ! *Censor* si neutrius eris.

Ad Sacratiss. Cæs. LEOPOLDVM I^m.
tot inter adversa, & arma sibi semper
constantem, & victorem,

Quis tot in adversis fortunæ casibus usquam
 Viribus infractis, incolumisq; stetit ?
Primus es ô Cæsar ! cantande Nepotibus olim,
 Qui *Primi* titulum *Nominis* hujus habes.
 Plurima bella geris ; sed suscipis arma *coactus*,
Palma vel invito provenit ergo Tibi.

Discipulis suis.

Vos ego versiculos docui, sed carmina vos me ;
 Discit enim Doctor plurima, quando docet.

Ad

*Ad Illmū Profapiam Martinitzianam,
de ejusdem Insignibus.*

*Nymphaeas tibi terra dedit; Stellam astra dederunt,
Chara ô Terrigenis, Coelitibusq; Domus!*

*Ad RR. PP. Carthusianos, & Paulinos, qui
sibi in perpetuum usu carniū interdixerunt.*

*Hic siquidem vobis est Quadragesima semper,
Vos in Cœlo igitur quid nisi Pascha manet?*

De Salmone, & Salomone.

*Ceu inter pisces nullus Salmone sapit plūs,
Sic hominum nemo plūs Salomone sapit.*

*Bollandus, & Reynaudus, insignes scriptores
è Soc: J E S V.*

*Plurima Bollandus, Reynaudus plurima scripsit,
Una ambobus erat Bibliotheca, caput.*

Ad Juris-consultos, de Digestis.

*FF., geminum Digesta notat, si quando citantur,
An quia Digestis est sua Fracta Fides?*

*De Gentilitijs Cultris Profapia Dietrich-
steiniana à Toga, & Sago celeberrima.*

*Fert geminos grandes stirps Dietrichsteinia cultros,
Metiri hinc Vires, ingeniūque licet.*

Inge-

Ingenium notat illa acies, ac *mentis acumen* :

Arma, animos, vires, *cultus* uterque probat.

Medico.

Si *bene* cum reliquis esset, *malè* semper haberes,

Verùm cùm *malè* sit; Tu *bene* semper habes.

Aliud.

Tu *curas* alios, alij Te verò vicissim,

Sed Tibi *cura* Tui *certior* esse solet.

In obitu Advocati.

Multorum *causas* dixitque, egitque Clientum;

Iudice nunc Summo, *dicit*, agitque suam.

Quid consvèlle juvat reliquorum, *evincere causas*,

Infelix actor si *cadat* hicce suâ?

In obitu Medici.

Cùm *Medicos* tollat mors *insanire* videtur,

Ut quid enim *Medico sanus* haberet opus?

Neo-Magistro Philosophia, Condiscipulorum
ultimo, solatium.

Non es *postremus* numero, *seriè*que *Sophorum*,

Ni *posthac* nemo jam *Sophus* esse velit.

Julio, Ethices Auditori.

Imbuit Urbanis te *moribus* *Ethica*, *Iuli*,

Imbue tu *mores*, *moribus* hisce *tuos*.

Ari-

*Arithmetico, de 4. Arithmeticae
speciebus.*

*Divide cum socijs, sed pauperioribus adde,
Multiplicas, quoties subtrahis ipse tibi.*

*Ad Illmā Kolovratorum Prosapiam,
de fracta illius Rota.*

*Fortunam durare Tibi constanter eandem,
Non miror : fractā possit abire Rotā ?*

Epitaphium Veterum.

*Sit tibi terra levis ! Prisci inscripsere sepulchris ;
Sæpe tamen lapides imposuere graves.*

Mathematicus, & Geometra.

*Astra Mathematicus, terramque Geometra spectat :
Sit memor iste poli ! sit memor ille soli !*

Rhetor, & Poëta.

*Vendicat Orator Dixi ; cecinique Poëta :
Ille movet dicendo, iste canendo trahit.*

Laus Concionatoris.

*Ad populum, qui verba facit, laudem inde meretur,
Si verè liceat dicere : Verba facit.*

Vinum Theologicum.

*Vinum divinum, vinum generosius, audit,
Divino soleat sæpe quod ore bibi.*

Multa

Multa vorant Mystæ populi delicta ; quid ergo ?
 Tam *crudus* tali embammate *bolus* eget !

Legitimato, per publicum Diploma.

Legitimo non esse toro te Pontice natum ,
Clàm fuerat, toto nunc fit in orbe *palàm*.

Amico Podagrigo.

Opto *pedes* podagræ, quos nulla podagra ligarit,
 Ut procul à *pedibus* sit, fugiátque tuis.

Vienna, Anagram: En vina ! in vena.

En ! Anagrammatici , bona *Vina*, *Vienna* propinat !
 Quæ quisque *in vena* poscit habere sua.

*Carolus V. Imp. jussu valere Imperio, in
 Monasterium se abdit.*

Carolus Augusto, *Quintus*, de Nomine *Cesar*
 Regna , & Regnorum sceptrâ *valere* jubet.
 Non potuit melius *totum* sibi subdere *mundum*,
 Quàm *totum* *pedibus* subijciendo suis.

*Ad ipsum Carolum V. de hac sui ipsius
 Victoria.*

Carolus imperiò, gestis, ac Nomine *Magnus*
 Præripuit titulum , *Carole Quinte*, Tuum.
Magnus uterque estis ! verùm discriminis ergo
 Tu *Magnus* dici, *Maximus* illo potest.

C

Ad

Ad S. Franc: Borgia Soc: JESV.

Purpureum despexisti Franciscè Galerum :
Quantò illum tunc plus erubuisse putem.

*Ad Eundem, ex morte Isabella in
melius mutatum.*

Mors Isabellæ peperit Tibi ; Borgia , *Vitam*,
Esse igitur *mortis filia*, *Vita* potest ?

Personatus Dæmon, in specie simia, à D.
Dominico cereum tenere coactus est.

Luxerit oranti Tibi quàmvis *Lucifer* iste ;
Angelus hîc lucis non fuit, antè fuit.

Christus, inclinato capite, emisit
spiritum.

In Christi Pectus cervix inflexa recumbit ;
Esse quis illius jam leve credat onus ?

Joannes, *Anag: En Jason*, cum *Agno*
pingi solitus.

Scire rogas, quid sit nomen tam grande *Ioannis* ?
En Jason ! verum nomen , & *Agnus* erit.

Quadragesima multis in visa.

Fert licèt apricum ver *Quadragesima* secum,
Contentus tamen hac est propè nemo *quadrâ.*

De

CENTURIA QUARTA.

51

De S. Casimiro.

Mortuus *Angelicè* ; quia Virginitatis amore,
Plùs *Castis mirus*, quàm *Casimirus* erat.

Valetudinario, nimiùm delicato.

Si morbus morbum potis est sentire vicissim,
A morbo *morbum contrahet* ille tuo.

Sincerus Versipelli.

Unde meo, nescis? veniat gravis halitus ori?
Multa *arcana* in me *computruisse* scias.

Ad S. Venceslaum Boh: Ducem, Hostias,
ac Vinum pro Sacrificio Missæ, proprijs
manibus, conficientem.

Cùm *Panem, Vinúmque*, aptas *Cœlestibus aris,*
Melchisedech dici, *Wenceslæe*, potes.

De eodem Sancto, à fratre Bolesl: occiso.

Quando *Boleslaus* Te, *Wenceslæe*, necavit,
Alter *Abel* fueras, alter at ille *Cain*.

Ad Drahomiram impiam, S. Venceslai
Matrem, terra hiatu. Praga in Hrad-
czan, absorptam.

In magnum *blasphema* *DEUM*, *Drahomira* peristi!
Quam *Draco mira* in te nunc, *Drahomira*, patrat!

*De Gentilitia Lobkovitiorum Aquila, aureo
vellere, insigni.*

Sunt Aquilis *penna* volucres, non vellus, ut agnis :
Vestra, super pennas, unica *Vellus* habet.

*Ad Illustrissimos Sternbergicos, de
eorum Stella.*

Nocte micant alia, si quando serenior æther ;
Aura licet fuerit *turbida*, vestra micat.

*Gen: Domino Venceslao Zdiarsky, Opt:
Amico suo.*

Servus erat Wenceslao Podivinus ; Amice,
Es Wenceslaus. Tu, *Podivinus*. ego.

De S. Thoma Aquinate.

Thomas arrepto lenam *titione* fugavit,
Ohe ! etiam *flammam* flamma necare potest !

De ejusdem Insignibus.

Aurea de collo *torques*, & in aure *columba*,
Sol medio situs est pectore, Dive, Tibi.

Sol Tibi dat radium ; pennamq; *Columba* ministrat,
Torques in Cælum. Téque, tuosque trahit.

Avaro, & Mulicroso.

Sepi aures spinis, nisi cerâ claudere malis,
Sirenum, aut *auri* nè capiare sonò.

Sacer

*Sacer Benedictinorum Ordo, olim toto Orbe
celeberrimus.*

Quot quot in hoc vivunt Cætu, vixerêq; quondam,
Omnes nil aliud, quàm *Benedictus* erant.

*Quinque F. Chymicorum propria. Cuidam
Chymista.*

Chymistas plerumq; tuos F. quinq; sequuntur:
Fuligo, fumus, fraus, fuga, furca; time!

Cuidam Invido.

Rem fers indignè, me *vivis* scribere laudes;
Me tibi scripturum, si *moriare*, scias.

De inepto Authore.

Edidit extremâ non nemo ætate Libellum;
Sanè ætas sterili convenit ista Patri.

*Praga Metropolis Bohemia, Bohemice
Limen dicta.*

Si Praga est *limen*, à limine dicta Bohemis,
Quanta est hoc regnum *Iannus*! quanta *Domus*!

Arithmeticus Arithmetico.

Nec mora; *multiplico* paucos, in millia nummos,
Illico sed totum *subtrahis* arte pari.

Ad Milites Cæsareanos.

Cæsareum quiddam est, etiam pro Cæsare *cadi*,
Non hostes tantum *cadere*, Cæsareum est.

Diviti, & Obeso Portitori.

Et ventrem, & numos, Naulo uni, Pontice, debes
Solâ, quis credat? Pontice, vivis aquâ.

Venetia.

Antiqua Urbs Venerum medijs consistit in undis.

Et quidam velut est Unio, natus aquis.

Unio quem constans concordia, & unio servat,

Defenditque sacer Religione Leo.

Unio, quem magni, Romæ annulus æstimat ipse.

Quem Piscatoris nomine, Roma vocat.

Vise ad tumbam S. Ignatij, Fund: Societatis Jesu, stella.

Fert Anima in Cælum sese sine corpore; Cælô

Attamen in terra non caret hocce suo.

Ad eundem S. Ignatium.

Quando tuâ lemorum pelluntur imagine formæ;

Tunc spectrum lemorum dicier illa potest.

De S. Vito M. & Patr: Bohemia, ad Regnum.

Cum vigili gallo Virum quid Czechia pingis?

Scis illum lucris invigilare tuis.

De S. Gregorio Magno.

Magnus es à calamo, seu libris, Magne Gregori,

Aggestis major, maximus à meritis.

Ther.

Thermis utenti.

Si quas vis, infirme, tibi conducere Bajas,
Non medici debes immemor esse tui.

Miseria humana.

Tercentum morbis, oculus si subjacet unus,
Quot morbis igitur subjacet unus homo?

Slavata, olim Slavonia, nunc Bohemia gloria.

Nunc Slavatæ Regni sunt ingens *Slava* † Bohemi,
* Olim Slavonici *Slava* fuere soli.

In Psalmum quinquag. Miserere &c.

Quale, parum refert, sortita Poëmata, nomen
Davidis fuerint; hoc, *Elegia* fuit.

Mors ex horrore.

Exanimis quidam cecidit, quem perculit horror;
Æquivalet *Morti*, juxta anagramma, *Timor*.

De Salutatione Angelica.

Si Marianarum quæris compendia laudum;
Angelico brevius non reperitur, *Ave*.

Libertino.

Cum modò constanter quasi *Bacchanalia* vivas,
Quadragesima Te jugiter ergo manet.

C 4

In

† *Slava* Bohi idem qued gloria. * *Paproc: in hist. seu*
Spec. Mor: fol. 104.

In imaginem Christi è sacratiss: 5. Vulneribus sanguinem copiosè effundentis.

Quorsum tot rosei properant è corpore rivi?
Vas fieri, pie vis, cor *Pelicanæ*, meum.

Vinicola, & ænopola.

Putationis tempus advenit; canit

In *Vere* gnāvus *Vinitor*;

Potationis tempus advenit, canet

Æstate vini *venditor*.

Anus plerumq; rixosæ.

Morè suo rixantur anus; *edentula* cùm sit

Quælibet, *erumpit* quàm citò *lingua* foras!

De S. Joanne Bapt.

Inchoat à salu Vitam, positurus eandem,

Perficiet saltum, quando puella suum.

Compotantium frequens disceptatio.

Fæcundi calices quem non fecère disertum?

Doctrinam *infusam* nam dare vina solent.

Calvo.

Ehèu! quàm mal' es; nam vix *bonus unicus* in te est,

Ut nunc vulgus amat dicere, *Calve, pilus!*

Musica, & Musca.

A *Musca* tantùm Jod unô *Musica* differt;

Sæpe *importuna* est *Musica*, *Musca* quoque.

Ju-

Jupiter.

Si Jovis è cerebro nata est Sapientia ; quæro,
An cerebro caruit *Jupiter* inde suo ?

Saturnus.

Ajunt, Saturnum proles glusisse, Poëtæ :
Ergóne *Saturnus* non fuit antè *satur* ?

De Luna Turcica.

Si Mahometanæ nos terrent Cornua Lunæ ;
Va nobis, *va* ! si creverit illa magis !

Hebraei.

Retrogradè mos est Hebræis ire legendo,
O ! utinam relegant ad bene cœpta viam !

Terra Mater, est sepulchrum omnium.

Terra novercali non Matris nomine digna !
Nam sua, quæ genuit pignora, nata, vorat.

Martius, & Aprilis.

Martius, Aprilis, senibus fatalis uterque,
Hic tumulos aperit, sed priùs ille ferit.

Discrimen viri, & femina.

Est coma curta viris, longa est mulieribus : illis
Judicium longum ; Judicium hisce breve.

Inepto Poëta.

Non nisi monstra paris, si quando Poëmata scribis :
Nam nec in hisce pedes, nec capus, esse solent.

Causſidico.

*Omnia ſi ſtreperâ penitus fora lite carerent,
Omni deberes exul abeſſe forô.*

Primâ Aprilis.

*Quisquis acumē amas, & in hoc epigrammate quæris;
Quâm! primâ Aprilis, decipiâre, vide.*

Avaro, de auro, à DEO in terra recondito.

*Si neſcis, licet obryzum, quâm vile ſit aurum,
Sub pedibus quæres, inveniēsque tuis.*

Paucitas Salvandorum.

*Nunc eſt grex ovium longè numeroſior hadis;
Hadorum longè poſtea major erit.*

Frequens transgreſſio legis.

*Lege caret fatum, non evitabile cùm ſit,
Lex autem fato vix caret ulla ſuo.*

Ad omnia tardo.

*Feſtina lente! tu tardus ad omnia quæque:
Tantò igitur citiùs curris ad omne malum.*

*Pijs manibus Illm̃i DD. VVenceslai Michna,
cujus liberalitate, Templum Salvatoris Societa-
tis ꝑ Eſu Praga, antehac tenebricoſum,
redditum eſt illuſtrius,*

*Luce novâ ſiquidem ſacram cumulaveris ædem,
Lux in perpetuum luceat alma Tibi!*

Seſ-

Sesquipedali Masculo.

*Parva magis, quam magna Deum fecere stupendū:
Numinis, ergo in Te dextra stupenda magis?*

*Ad S. Liberatam, seu Vilgesfortem Virg: qua
tuenda pudicitia causā, barbā à Deo
impetravit.*

*Barba virum decet, atque facit, proverbialiter dicunt:
Barbā in Te virtus mascula, Virgo, facit.*

Veritatis Ofori.

*Quid me pro rostris dicentem audire gravaris?
E Cathedra quando detono, vera tono.*

*Ad Ludovicum X. Galliarum Regem; in cu-
ius præsentia S. Franciscus de Paula, è fracto
numismate, sanguinem elicit.*

*Franciscus fregit numum, elicitque cruorem;
Sensit at hoc vulnus cor, Ludovice, tuum.*

Desipienti.

*Quæ Jovis in cerebro nata est Sapiencia quondam,
In cerebro moritur debilis illa tuo.*

Salmo, assuetus molis.

*Accolit undosas; ad quas fit præda frequenter,
Quasque suo fert in nomine, salmo, molas.*

Amico neglecta coma.

Fers *incompositum*, certa sinè lege, capillum,
At bene *dispositum* subtus, Amice, caput.

Mali, mox initiò plectendi.

Majorem nisi fortè velis evadere *furem*,
Est suffocandus, cœpit ùt esse *minor*.

Alano.

Sæpe tuum tinnire *caput* querularis, Alane,
Quando *vas* aliquod tinnit, inane scias.

In Auspices.

Sublimes, humilésque avium observare volatus,
Est ultra *plumas* velle *volare* suas.

Pio Bibulo.

Singula, more tuo, *Cruce* sacrâ pocula signas,
Quanto in honore tibi sunt, & amore *cruces* !
Si nequeas: (*ut sæpe nequis*) *Crucis* impedit *hostis*,
Orci nimirum *Spiritus*, atque *meri*.

Evclioni decrepito.

Decrepitus cùm sis, quid, amabo, congeris aurum ?
Auri non curat, mors, quia *surda*, *sonum*.
Fulgorémne putas habiturum fortè *valorem* ?
Non solùm *surda* est, est quoque *caca* nimis.
Congestorum ergo quorsum tot millia numûm ?
Omnia num *tecum* vis tua ferre ? * *feres*.

Ad

* Pauperis Philosophi dictum : *Omnia mea mecum*
porro.

Ad Libellum Thomæ à Kempis.

Ut parva in magnis est sæpe scientia libris,
Sic magnam in parvis posse latere, doces.



EPIGRAMMATUM

CENTURIA QUINTA.

*De Sacratiss: Casare, LEOPOLDO I^o. cujus
Symbolum: Consiliò, & Industriâ.*

Quæ cum Consilio LEOPOLDI Industria gessit,
Nulla industria sat, consiliúmque capit.

De Regni Sveciæ Insignibus.

Svecia tres olim vice signi naçta Coronas,
O si Romana redderet hæc Mitra !

Reliquiæ SS.

Exuvias sacras veneramur, Corpora Divûm ;
Utpote quorum animas vendicat ipse DEUS.

Praga, Bohemis, à limine, dicta.

Pragam à Liminibus Dux Prima Libussa vocavit ;
Hostis in hoc figat Limine nemo pedem !

Bibliopola, plus æquò sua appretianti.

Carò quum pretiò soleas divendere Libros,
In pretio Libros, quis neget esse tibi ?

In pretio nostrum cuperemus ut esse *Libellum*,
Sic etiam, ut pretio veniat ille *levi*.

*Comicus actor à probitate Vita, ac agendi
dexteritate commendatus.*

Quis personatas Virtutes esse putarit,
Personas quarum sustinet hic, & agit?

Inepto Epigrammatario.

Ut nullum, puncto, par est, Epigramma carere,
Sic puncturam omni convenit esse suam.
Puncturas non laudo tuas, probo verò vicissim,
Punctum, quod punctum dicimus esse; *vale!*

Podagrico Gen: Domino C.

Versus scande meos, nequeas qui scandere *scalas*,
Ut fiant pedibus, sic *medicina* pedes.

Podagricus Lunatio.

Infirmos ego gesto pedes, caput undique firmum,
Túque pedes firmos, debile verò caput.

*De S. Simeone Salo, seu stulto, pro
Christo.*

O Sapiens Simeon! qui *Salus* dicier optas,
Ut valeas *stultis* mentibus esse *salus*.

S. Ber-

*S. Bernardus, inter alios, ad Claustrum, &
Patrem, & Fratres pertrahit.*

Esse Patrem Patriæ, res est non rara ; sed ingens
Gratia, tum Fratrum, tum Patris esse Patrem.

*Ad Rosenbergicorum Prosapiam, de Genti-
litia eorum Rosa, secus Fluvios Slavata-
rum sita.*

Plantata ad Fluvios Slavatarum, Vestra, Rosenses,
Quanto cum fructu vernal, olétque Rosa !

*Cuidam sapientissimo in Bohemia
Magnati.*

*Historias bellè, & Lingvarum idiomata calles,
Flos es Parnassi, Rhetoricésque decus.*

*Notus Aristoteles, notus Tibi doctus Aquinas ;
Bartholus, Euclides, Seneca, grande caput !*

*Denique, si demas Medicen, penè omnia calles ;
Tardè illam par est discere tale caput !*

*Discipulus Magistro, in arte sua non usque
quaque perito.*

*Si Doctor cum Discipulo par conficit unum,
Ergo etiam duo nos in paritate sumus.*

De

*De S. Procopio, Dæmonem sub jugum
aratri compellente.*

Procopij imperium cacodæmonem arare coëgit:
Istud *mancipio* convenit, illud Hero.

Neglectus Divinorum.

Quis Cœli causâ, crine uno incanuit usquam?
Canitiem innumeris *sordida* terra parit.

Ad S. Josephum.

Diceris esse Faber; sed qualis? opinio multa;
Fabrum ego *Fortuna*, Te precor, esse meæ!

*Ad Nob: D. Samuelem Globitz, suopte in-
genio Geometricam scientiam adeptum.*

Ipsc *Geometrica* fueras tibi in arte *Magister*.
Esse quis *ingenij* vult * *Geometra* Tui?

*Ad Christum Dominum de Divino illius
Pentametro: Qui sequitur me, non am-
bulat in tenebris.*

Toto è *Pentametro*, *Divine Poëta*, duorum
Sit mihi *primorum* gratia, quæso, *pedum*!

Eleemosynario jactabundo.

Quid quid opis confers *Codro*, vanescit in auras,
Si *sapis*, os *clausum* sit, sit *aperta* manus.

* Secundum *Juvenalem*.

Ser-

Servus illiberali Domino.

*Vnica duntaxat, Dominus, mihi vocula cùm sit ;
Do minus, ex Dominus cur facis ergo duas ?*

Charta Cambiales.

*Omnibus ex chartis non est pretiosior ulla,
Quàm quas venales Camfors avarus habet.*

*R. P. Frid: VVolff Soc: JESU, indole suavi,
& zeloso in conversione Hæreticorum.*

*Nomen habes, Friderice, Lupi, re mitis, ut Agnus :
Romanum similes optat Ovile Lupos.*

Porta Othomanica.

*O utinam novus hanc Samson de cardine Portam
Tolleret, & spoliū nobile, Gaza foret!*

Mors in olla.

*Non solā nobis Mors insidiatur in olla,
In pateris etiam, lancibus, inque cibis.*

Vegeto Senecioni.

*Tam properè passus glomeras, ut passibus hisce
Ad metam Vita te properare putem.*

Obscuro in suis Theologia Professori.

*Obscurus nobis DEUS est, clarissimus in se ;
Tu magis obscurum, per tua scripta, facis.*

Rex,

Rex, & Lex.

Si quanta est *Regum*, foret *observantia Legum*,
Legibus, at nullis *Regibus* esset opus.

Vadimonium obesi, pro Fratre macro.

Germanus pro Fratre *macro* sic pinguior inquit :
 Pro Fratre hoc *macro* *vas*, ego *pinguis*, ero.

Bacchanalium tempore plerumque incendia.

Excipiunt plerunq; *ignes solemnia Bacchi*,
 Nempe *dies cinerum* proximus esse solet.

Mors Cygni.

Supremos inter *modulos* moriuntur *olores* :
 Occumbit *lato funere*, *solus olor*.

Furi.

Terna tibi tantum pro nomine, *litera FVR*, est,
Græcorum Π, te *litera quarta* manet.

Mendaci.

Perjures licet, haud tua me *mendacia* fallent,
Fallere me solum, *vera loquendo*, potes.

Guloni Philosophie Auditori.

Plus oneras *Baccho* ventrem, quam *Pallade* mentem ;
 Inde tibi *plenus venter*, *inane caput*.

Pro-

Profapiarum instabilitas.

Appositè Antiquis dicuntur stemmata Cera :
Instar enim *cera*, *stemma* quæque *fluunt*.

Laus timidorum.

Cor timidis *ingens* ; timidos ergo esse negabo,
Quos tam *cordatos* , dicimus esse *viros*.

*De S. Longino, Latus Christi lanceâ
rimante.*

Spartani dixere suum, quò pertigit *hasta*,
Jam scio, *Longinus* , quid velit esse suum.

Gens Hebræa excellit in arte saltatoria.

Saltibus in varijs excellere constat Hebræos ;
A *Vitulo saltus* hos didicere *suo*.

*Ad Illūos Dominos Sternbergicos, de Genti-
litia eorum Stella.*

Centrum stellarum Cælum est ; in stemmate vestro,
Et *centrum*, & *Cælum* repperit ista suum.

Aliud.

Terra nihil, dignum quod vobis esset, habebat,
Hinc *supplent* terræ *pauperis* , *Astra vicos*.

Pulchra fiunt, amantium Sepulchra.

Vis mira, ac *ingens* est *pulchris* *instita* *rebus*,
Ad se *pulchra* trahunt, adque *sepulchra* trahunt.

Guloso.

Nescio, quis *bolus* tibi nuper *faucibus* hæsit :
Nè *gula* frangatur, svadeo, *frange gulam*.

Obeso.

Cùm tuus abdiderit quàm plurima venter, & abdat,
Abdomen rectè dicier ille potest.

Ad Podagricos Amicos.

Ne posthac ad vos *repedare* Podagra valeret,
Sentiret Podagram, o ! vestra Podagra suam !

Fugum Matrimonij grave.

Ire *catenatim* soliti Dolor, atque *Voluptas*,
Nunc in *connubijs* *strictius* ire solent.

Ad S. Simeonem Salum.

Dum sapiens, stultum simulans, opprobria, quæris ;
(O paradoxum ingens !) *desipiendo* *sapis*.

Luna Turcica.

Dicitur in Cœlo *testis*, Luna, esse *fidelis*,
Luna sed in terris quando *fidelis* erit ?

Cuidam eximio, & exemplari Ecclesiaste.

Verbi *factores*, auditorésque requirit
Jacob : ut videas, solus *utrumque* facis.

De

*De sapientissimis Salmianæ Familiae Viris,
Regibus cognatis,*

Quot quot *Salmeo* numeras de *Sanguine* natos,
De *Salomoneæ* dicito, stirpe *satos*.

Turpiter hostibus terga vertenti.
Gloria quantumvis *fugientem* *æpc* sequatur,
Attamen hæc eadem te *fugiente*, *fugit*.

Pictori eximio, at deformi.
Inducis rebus *faciem*, *formamque* *venustè*,
Hac etiam *facies* indiget *artè*, tua.

*Celeberrimo Pictori, Carolo Scretæ,
Bohemo.*

Aptè adeò *formas* *tabulis* inducere nōsti,
Ut *desit* *tabulis* nil nisi *lingua*, tuis.

*Regnum Dania, Venationibus aptis-
simum.*

Venandis nata *apta* *feris*, & *idonea* *lustris*.
Dania, mutatâ voce, *Diana* sonat.

*Vinum Germanis October-Wasser
dictum.*

Octobrem appellat *Teuto*, cur *vina*, *liquorem*?
Ex liquidis, *vinum* *Teutoni*, ut *octo*, sapit.

ob

Ob delicta male audienti.

*Mysta suas, opus est, tibi quòd concederet aures,
Ut non audires, ob malefacta, male.*

Samson.

*Ter centum vulpes cepit, Leo robore, Samson,
Una dein vulpes, Dalila cepit eum.*

*De S. Franc: Xaverio, Indorum
Baptista.*

*Indigenas sacris quando Xaverius Vndis
Abluit Æthiopes, non lavat Æthiopem.*

In Rufum.

*Exciperis toties, & carperis undique sannis;
Maeste animo! carpi flos solet ipse croci.*

Consilium avaro.

*Quæ digitos ungit, mentem illa pecunia pungit,
Vis sanum vulnus? pauperis unge manus.*

*Rmo, ac Illmo D. Joanni Ignat: de Longa
Villa, Præposito, & Suffraganeo Pragensi, Ro-
mæ ex jubileo reduci, cum etiam participi
meritorum Societatis I E S U*

Anno 1675.

*De Longa Villa Præsul! Te sæpè saluto,
Nunc de Longa illa, Te resaluto via!*

Hec

Heu me ! cum quanto meritorum fœnore Româ
Urbe redis, *meritis auctior ipse tuis !*

Non satis est, etiam noster, de Nomine JESU,
Participem meriti, Te facit Ordo, sui !

O Utinam fruerere diu ! simul atque placeret,
Participem meriti me numerare Tui !

*G. D. N. I. optimi Parentis optimo
Filio.*

*Filius esse sui censetur Imago Parentis,
Tu simul & decorum es Patris, imago tui.*

Imberbi Labieno.

Quale tibi mentum est ; sterili lanugine glabrum,
Æstimo nullius, mi Labiene, pili.

Monoculo.

Non tam *pupillam* te Cocles habere putârim,
Quâm te *pupillum* Cocles habere putem.

Macularum in sole Assertori.

Quis quis es, & maculas audes aspergere soli,
Luminibus maculas constat inesse tuis.

Rara in terris Justitia.

Iustitiam Veteres *Astram* nomine dicunt,
Justitiam terrâ quod *magis astra* colunt.

De Cœnaculo, & Cœna Christi.

Grandia quantumvis fuerint *Cœnacula* Christi,
Cœna tamen longè *grandior* hisce fuit.

Ex-

Eximia Virtus Gen: D. C. Itter, sui constantis in Concionibus Auditoris.

Ad superos, quâ tendit iter, Verbo indice monstro,
Et vix monstratum mox inis Iter, iter.

Ad Eundem, Apell: Consiliarium, &c.

Qui me pro rostris dicentem jugiter audis,
In Te uno, numero, Vir venerande, decem.

De sudore sanguineo Christi.

Sanguineo JESUS quando sudore madescit,
Proh quantos astus intus amoris alit !

Libellus Th: Kemp: lectus suavis.

Singula pondus habent Kempensis verba Libelli,
Nec tamen idcirco sit gravis ille tibi.

De Bicaudato Bohemorum Leone.

Czechiaci vix est Leo par, toto orbe, Leoni,
Cui geminum gemino in symmate robur inest.

Blanco, amenti Grammaticulo.

Dicere Blance potes ; sapi, sapiq, nec ultra ;
Plus nihil ex tota Grammatice sapio.

Quotidie Mors.

Si mors ô Vates ! est ultima linea rerum,
Est, quâ non fiat linea, nulla dies.

De-

Devotus fœmineus sexus.

Articulo quævis muliebri est prædita virtus,
Quod plus virtutem fœmina, quàm Vir amet.

De cruenta Christi Flagellatione.

Virgineum corpus cùm velle carere videret,
Erubuit toto corpore, Virgo DEUS.

Ericius Puteanus Or: Caesar: 24. Panegyri-
cos, in laudem ovi conscripsit.

Vicenas quatuor de solo scripsit is OVO
Laudes; hinc OVUM nunquid OVARE potest?

Nimiùm effœminato, & Evclioni.

Sepi aures spinis, nisi cerâ claudere malis;
Sirenum, aut auri, nè capiare sonô.

Ad Christum spinis Coronatum.

Quàm multo, ò Jesu! tuus horret acumine vertex;
Tam fueras in nos ingeniosus Amor!

Excusatio Fœminarum plerumque calva.

Aut rarò, aut nunquam mulier calvescere visa;
At cùm se excusat, plurima calva puta.

Aprilis, & Majus.

Tristis in inferno semper regnabit Aprilis;
Majus at in Cælo semper amœnus erit.

Lingua.

Lingua à *lingendo* dicta est, quòd *lingere* nôrit:
A *delinquendo*, *lingva* vocanda fuit.

Aliud.

Non frustra linguam *duplicata* repagula vallant;
Ut par est, illam nemo domare potest.

*Ad Pragam, quæ Hebdomadâ Majore, piâ
emulatione sepulchra adornat.*

Dicta sepulchra putant quidam, quasi sint *sinè
pulchro*;
omnia cùm tua sint, *pulchra sepulchra*; nego.

De Christo, alapâ percusso.

Qui faciem Christi *palma* petulante cecidit,
Scurrâ palmari nequior ille fuit.

Cuidam Matri.

Tûne voces *Asinum*, quem te genuisse fateris,
Cùm *natura* ambos vos facit una pares?

*Ad Christum comprehensum, &
ligatum.*

Tot quando Pugiles ad te venêre *ligandum*,
Dixero *Natalem*, Christe, fuisse *Tuum*.

Ad galli cantum Petrus illacrymatur.

Quæ vix ad lacrymas, *idiomata* mille, moverent;
Proh! quantum ad fletum *gallica lingua* movet!

*Pijs Manibus Illustrissimæ D. C. de U-
gezd Fundatr: Coll: Brzeznic: S. J. cujuste-
stamentò Lampas pręgrandis, in templo Sal-
vatoris ejusdem Societatis, Praga ap-
pensa est. 1675.*

*Arte nitens, ac mole ingens Argentea Lampas,
Viva est in templo cordis imago Tui.*

Laus Majoli.

*Majulus in scriptis, non Majolus esse videtur;
Majus enim libris ejus, amēnus inest.*

Stibiò utenti.

*Tolle superficiem faciei, tolle colorem,
In plumis nigrò corpore Cygnus eris.*

Ad B. V. Majorem Romę, vulgò ad Nives.

*In cæsto si quando Venus cor adureret igne,
Mox ô Virgo tuas injice, quæso, nives!*

In Calvum.

*Calve pares estis, Tu, & quis? crinitus Iopas:
Nemo potest crines enumerare suos.*

De 5. Vulneribus Christi. I

*Quinq; Libri Moy sis, totidē sunt Vulnera Christi,
O nimirum durò grammata scripta Typò!*

D2

Chri-

Christus in medio Latronum.

Latronum medius Salvator quando pependit,
Sol geminos inter, nè dubitate, stetit.

De S. Laurentio Martyre.

Miscet in igne jocos Martyr Laurentius. ecce!
Par incombusto, Laurus in igne, Rubo.

Ad Eundem.

Assatum est, inquit, manducandúmque Tyranne!
O dapibus dignos, appositósque sales!

Sanctus Laurentius Anag: In te laurus.

Omnia Laurenti, tormenta, ac fulmina, rides;
Est in Te Laurus, fulmina nulla times.

*Aphorismus Galeni, de esu pomi,
vespere.*

Si fuit besterno cænatum vespere, pomô,
Morsque comestorem mane secuta fuit:
Nil mirum Medico: satis est pomum esse comestum;
Galene! ad mortem sufficit esus Ade!

Uter alteri aculeatior; Author an Lector?

Authorem Lector, Lectorem vulnerat Author;
Dic uter illorum fucus, uter sit apis?
Pungit apis fucum, sed casto vulnere pungit;
Enecat, inflicto vulnere, fucus apem.

Author primis V. Centurijs.

Pendet ab eventu vestro; conducat, an obsit
Fratribus; è latebris non properare suis.



PARS SECUNDA EPIGRAMMATUM

Reverendi Patris

SEBASTIANI LABE
è SOCIETATE JESU
CENTURIA SEXTA.

Dialogus Salium, seu Epi-
grammatum.

Quingenti fratres, quingentis fratribus optant
Prospera ; num pax est omnibus atq; salus ?

Responsum.

Inter tot pugnas, totque inter funera, fratres ,
Non est pax, non est omnibus una salus.

Vox omnibus una.

Quidni ergo fratres ! unà conjungimur omnes ,
Casimque ac punctim vulnere mille damus !

Dz

Pax

Pax modò plerumque frivola.

Majorum placitò quamvis pax alma vocetur
Nunc appellari pax mala sæpe potest.

Res noxia bellum.

Nulla salus bello ; potuit Sallustius ipse
Scribere de bello, pacis amore, suo.

Augurium adversùs Portam Ottomanicam.

Quò tua Luna magis vult sese opponere Soli, *
Hoc dein eclipsis grandior ejus erit.

*Leopoldus, antiquo anagrammate : DUPLÔ
SOLE ; vel è DUPLO SOL.**Rebellionum Causa tres.*

Magnatum ambitio ; tum desperatio plebis,
Esse rebellantùm causa, parénsque solent.
Ambitiosorum metuenda rebellio Regnis,
Desperatorum ter metuenda magis.
Tertia deterior reliquis, pæne omnia miscet,
Quam fæda hærescon secta ciere solet.

De hoc exili opusculo.

Degener in lucem nonnunquã prodit abortus,
Ut meus in mundum nunc quoque partus abit.

Cui-

Cuidam Amicorum.

Ufus amicitiae nimius, contemptus Amici.
Hinc parè alloquijs utor amice tuis

Cuidam iracundo.

Virtutis calcar, sapiens cùm dixerit iram, *
Ingens virtutum næ tibi calcar inest.

* Aristoteles.

Clementissimo Cæsari Leopoldo I.

Tanta Tibi est pietas ô Sacratissime Cæsar ,
Quò dici possis Angelus esse Dei.
Angelus interdum, positâ pietate, scelestos
Arreptô tandem cominus ense ferit.

Invenietis infantem pannis involu-
tum Luca 2.

Fasciolis fuerat Puer ad Præsepe ligandus ,
Nè natum eriperent protinus altra Deum.

De Sereniss: Electorum Octoviratu ad
Hostem Imperij.

Octovirum totô Clarissimus orbe Senatus,
Consiliô ac armis pollet, ut octo , time !

Cuidam malevolo.

Talio peccati pœna est, quæ à talibus olim,
Experior qualem te modò, dicta fuit.

*Author ad B. V. sinè labe, de suo ag-
nomine.*

Sub maris ingressum, cū nomine perditur Albis, *

Sic in Te nomen perdo, Maria, meum.

* *Albis* Bohemiæ fluvius, vernaculâ *Labe* dictus.

*Animarum Staturarūque
diversitas.*

Sæpe animas grandes exilia corpora portant,

Exiles pariter grandia sæpe gerunt.

Colerus præclarus de re æconomica scriptor,

Anagr: Ruscole, vel Cole rus.

Colerus scitè scripsit de rure colendo,

Interpres factus nominis ipse sui.

De Solstitio.

Medicus.

Ægre in Solstitijs ægro medicamina profunt.

Æger.

Et Medico tempus Solstitiale nocet.

In Luciam R. auro plus aquo inhiantem.

Argentum Lunæ, Soli componitur aurum,

Solem præ Luna filia lucis amat.

Lubet. Licet.

Si liceat quodcunq; libet, perit omnis honestas,

Si verò libeat quod licet, indè viget.

Per-

Perquam lepidum cujusdam de Concor-
dantijs Judicium.

Miror (ait) libri pretium, famamque, vel usum ;
Utpote cui sensus vix bonus ullus inest.

S. Petrus Crucifixus. S. Paulus capite
minutus.

Servatum Petro Caput est, Pauloque resectum ;
In terris unum par fuit esse Caput.

Augustiss: Imperatori Leopoldo I.
à DEO semper mirè protecto.

Nulla Tibi ô Cæsar potuere venena nocere,
Et vitæ insidiæ nil tot obesse Tuæ,
Nil technæ, nil mille doli, nil prælia, pugnae,
Nil morbi, mortes, funera, styxque nihil.
Ergo diu sospes quod sis, Leopoldè, futurus,
Tanta Deo, de Te, spem mihi, cura facit.

In Polytheos.

Principium numeri, quum dicere cogimur unum,
Quomodo vos plures dicitis esse Deos ?

Aliud in eosdem.

Dicite quis numerus, series, munusve Deorum ?
Ordine postremus censeo vester erit.

In Atheos.

Si nullus Deus est, (quæ vos dementia cepit)
Omnes jure dies ducitis absque Deo.

D 5

Ali-

EPIGRAMMATUM

Aliud in eosdem.

Si Deus est nullus, qui præmiet acta proborum,
Cœli Cœlorum dicite, cujus erunt?

Tertiò in eosdem.

Si nullus Deus est, qui puniat acta malorum,
Credam pro vobis tartara nulla dari.

In Schismaticos.

Unus si Deus est, una est Ecclesia tantum;
Unus si Pater est, unica Mater erit.

Alieno labore glorianti.

In bove stans super arva culex clamabat: aramus;
In vitula alterius tu quoque stas, & aras.

*Magnificentia Domûs Waldsteinianæ, in
domo vulgò Waldsteinica, totius Praga longè
maxima, quadantenus adumbrata.*

Magnæ de Waldstein Gentis, Domus inclyta
quàm sit,

Ex una illius collige Praga, domo!

Bacchanalia.

Estur & hauritur per Bacchanalia multum,
Vult Bacchi ventrem quilibet esse suum,

Parens nimis diu vivere visus filio.

Cùm su^p innumeros Genitor propè degeret annos,
Filius æternum credidit esse Patrem.

CENTURIA SEXTA.

De 7. Doloribus B. Virginis.

Septenos Divina Parens, perpeſſa dolores,
Martyr, nè dubita, tẽrque quaterque fuit.

Eccleſiaſta grandioris bucca.

E Cathedra dum verba facis quaſi Tullius alter,
Quilibet auditor pendet ab ore tuo.

Rhetorice & Grammaticæ.

Alvarus hanc ſcripſit, ſcripſitque Soarius illam,
Ille tribus libris, claſſibus ille tribus.

Fratres germani, germanas jure ſorores,
Audent connubio jungere, quiſque ſuo.

Diverſa numiſmata Dei, Homo & Angelus.

Ambo numiſma Dei poſſunt de jure vocari,
Ille moneta recens, iſte moneta vetus.

Litera Uriæ.

Abſtulit Uriæ Davidis epiſtola vitam
ſcilicet: occidit litera, Paulus ait.

Diogenes.

Quod Cynicus Sapiens, portaverit omnia ſecum,
Exemplò præijt cochlea prima ſuò.

Votum S. Thereſiæ.

Thereſiæ votum ſemper meliora ſequendi,
Cœleſti in ſcala ſummus ad aſtra gradus.

Jejunium salutare.

Spiritus adversus carnem quò vincere posset,
Carne fuit vetitâ mortificanda Caro.

Christus extra urbem natus.

Urbi non uni, sed toti nascitur Orbi;

Dux & Flos campi est, campus utrumq; decet.

*Illustris: ac Excell^{mo}. D. D. Wratislao à
Sternberg S. R: I. Comiti, in Regno Bohemia
Supremo Iudici de Stella ejusdem*

gentilitia.

Iustitiæ lances Astræa ut librat in astris,

In terris Astrum sic vibrat hæc Tuum.

Usurario.

Quod supra numi sortem est, usura vocatur,

Id verò fieri sæpius, usus habet.

Scilicet in manibus Cræsi, paupercule Codre,

Intereunt sortes hac ratione Tuæ.

O miseram Codri sortem; cui perdita sors est.

Sortilegi Cræsi sors miseranda magis!

Scilicet usuram tandem Censura sequetur,

Unde Sepulturam * collige Cræse tuam.

* Sepultus est in inferno Luc: 16.

Quæ sunt Caesaris Cesari. Matth. 22.

Ut sua Caesaribus meritò tribuenda videntur,

Sic quoq; , quæ sua sunt, sunt tribuenda Deo.

S. Petrus cum gemina clavi pingi solitus.

Ecce duas Christi Claves ! (quarum altera cœlum,
Altera concernit tartara) Petrus habet.

Illa bonis cœlum referat, fursúmque tuetur ;
Ista malis referans tartara, spectat humum.

*De Sanctis Germano & Gallo ad
Teutonem.*

Non secus ac Divum celebrat Germania Gallum,
Divum Germanum Gallia, Tevto colit.

In Conjuges pygmaeos.

Non habet uxorem Cajus, neque Caja maritum ;
Hæc uxorcula enim est, ille maritulus est.

D. Bernardus à Deipara lactatus.

Quò producta inter traheret jejunia vitam,
Lacte Mariano jam vir alendus erat.

De ejusdem suaviloquentia.

Mellâne Bernardus fuerit, num verba locutus,
Bernardi eloquium me dubitare facit.

Ejus enim sermo tali dulcedine pollet,
Eloquijs Domini qualis inesse solet.

Id solum intererit discriminis inter utrumque,
Mella quòd hæc superent, æquat ut ille favos.

Renum scrutator Deus.

Ipsè DEUS, renum Scrutator, oportet, ut adsit,
Quorum per tenebras pleraque gesta latent.

Author amicis, de se plus a quo sentientibus.

Si vellet posset, de me dicuntur amici
Dicere ; si possum, me quoque velle sciant.
Plus alij possunt, quos nescio velle ; sed opto,
Quò sic plus faciant, me faciente minùs.

Va soli. Eccles. 4. Ad heterodoxos.

Væ Soli nequaquam esset, si Luna deesset,
Vir Soli, Lunæ fœmina, nōne pares ?

De S. Antonio per Angelum Patavio Ulyssiponem deportato.

Aligerò vehitur Paduæ Angelus ; ipse volaret,
Angelicis propè par mentibus, ala deest.

Rex, Lex, Grex.

Exemplò Regis, nec non dictamine Legis,
Ducitur ac regitur publica vita Gregis.

Numerosa aequè ac illustris Bohemia nobilitas.

Gallia fert celebrâtque Pares, Hispania Grandes,
Grandibus & Paribus Patria nostra pares.

Cognovit bos possess: suum & Asinus præsepe Domini sui. Isaja.

Auritus testis, Christi natalis asellus,
Tellis at ejusdem bos oculatus erat.

Se-

Senecionis iudicium de vino ad juvenem.

Omne ferè vinum, juvenum solet esse venenum,
 Ut ferme contra lac solet esse senum.

Juvenis ad Senecionem responsum.

Si quid mortiferum biberint, (miracula quanta!)
 Nequaquam virus tale, nocebit eis.

Seculum præsens eruditum.

Dicitur effatò veteri, veneranda vetustas,
 Vix est posteritas nunc veneranda minùs.

Militi claudo ex bello reduci.

Claudus utrinque rediis, sunt belli signa futuri
 Non mala; præteriti non bona; nōne fugæ?

Eva & Evax!

Vox exultantis veluti vox dicitur! Evax!
 Sic lamentantis dicier Eva potest.

Rara S. Cæcilia imitatrices.

Organa Virginibus non desunt Cæciliana,
 Cæcilianus eis spiritus, arsque deest.

Italia Parnassus quidam mundi.

Parnassò si quando suò migraret Apollo,
 Vellet cum Musis hìc habitare suis.

Quanquam nec Musæ hìc desint, neque desit
 Apollo,

Plena ubi Doctrinis omnia, plena Deò.

Anonymo.

Judicium suspendo meum, tibi dicere mos est,
Judicij sedem noveris esse Caput.

Ad S. Bartholomæum.

Propria serpenti cùm sit prudentia, pellem
Ponere, cur ponis Bartholomæe Tuam?
Ille per angustum satagit penetrare foramen,
Túque per angustam, tendis ad astra, viam.

Ad eundem S.

Herculis exuvias, & Colchicum Iasonis agnum,
Exuvijs superas Bartholomæe sacris.
Ille Leoninis fuit inclytus, alter Ovinis,
Tu verò exuvijs vincis utrumque Tuis.

Ubi Cælum tres patet ulnas. Virgil.

Tres ulnas Cælum patuit, quando astra reclusit
Christus Homo, ulnarū plusve minusve trium.

Arces & Arca.

Invictæ quamvis arces vincuntur ab arcis,
Et rarò arceri hic hostis ab arce potest.

Parisijs & Venetia.

Utraque pluralem Numerū nanciscitur Urbs hæc,
Quòd multis valeant urbibus esse pares.

*Alia via Thebis Athenas, alia Athenis
Thebas.*

Unicus inter eas si mons interjacet Urbes,
Nemo declivem dicet utrinque viam.

Cui

Cuidam Paschatis appetentiori.

Non tã Pascha tibi,quàm pingua pascua Paschæ,
 Agnus Paschalis fortè, * atagénque placent.

Vener. P. Ignatius de Loyola è Soc: Jesu,
nuper Rex Fessæ & Marochi, in navigatio-
ne ad Mogores convertendos, arumnis
confectus emoritur.

Contemptô Fessæ Regnô, sceptrôque Maroci
 Dissita Regna petit Rex novus ille sui.
 Nempe Coronarum sitiens avidûsque novarum
 Mittitur ad Mogores, navigiûmque subit.
 Utque subit confectus obit, Regnôque potitur.
 Ut spes est, & par credere, Christe Tuo.
 Scilicet, assuetum Caput hoc Regale Coronis
 Rex Regum absque nova noluit esse diu.

Eucharistia miraculum miraculorum.

Vertitur in carnem panis, vinûmque cruorem,
 Quâ metamorphosi nulla stupenda magis.
 Scilicet ex nihilo, Panis, Vinique Creator
 In nihilum redigit rursus utrumque suum.

Jesulus nocte natus.

Dum Virgo paritura fuit, nox cæca ruebat :
 Quòd tegeretur eâ Virginis arte pudor.

Ursula murmuri assueta.

Ursula! quæ nimium barris & murmura jactas,
 Dici non debes Ursula, at Vrsa magis. *Sire-*

Strena 1684. cuidam Illustrissimo.

Ver, Æstas, Autumnus, Hiems, sunt quattuor anni
Tempora; curriculi quattuor ecce rotas!
Hunc ego Curriculum feliciter opto rotari,
Curreréque in multa prosperitate Tibi.

*P. Chistophorus Fischer Soc: Jesu, scriptâ
Decade Georgicâ moritur.*

De terræ decumis cùm pertractâset, obivit,
Perfolvens decimas hac ratione suas.

*Vener: V: Cacilia Ord: Prædic: Sanctimo-
niali, nata Comit: de Lilijs.*

Horto parthenio Tua Lilia Virgo dedisti,
Plantaríne queant fertiliorè locò?
Nè dubita, ô Virgo! excreſcent æqualia Cœlo
Cùm tam frugifero sint modò jacta solo.

Aspirantibus ad alta.

Conferat antèſuas, opus eſt, cum munere vires;
Si non vult probrum muneris eſſe ſui.

*Superbie unipedi, juxta illud: non veniat
mibi pes Superbia Pf. 35.*

Pes tibi duntaxat (proh ſtulta ſuperbia!) cùm ſit
Unicus; omnia ſunt alta timenda tibi.

Parum veraci.

Omnis homo mendax, ut habent oracula Pſaltæ;
Næ mibi tu, quamvis unicus, omnis homo es.

Hodie

Hodie huic domui Salus facta est. Luc: 19.

Omnia præfatas memorant encœnia voces ;

An quia tunc multis vox placet illa, Salus ?

Argentoratum Urbs nuper libera.

Nomen ab argento trahit Argentina ; quid ? auri

Nomine libertas aurea digna fuit.

*Eadem Germanis Strassburg dicta, nunc
in potestate Regia.*

Nunc ab Rege suo, Via Regia, digna vocari,

Quam Tevto dictam à Civibus esse putat.

Cæsari Baronio.

Dignus es à quovis laudari Cæsare Cæsar,

Quantò majori jure, Barone Baron ?

Aulico.

Aularum mos est, ferri sursum atque deorsum ;

Quid motus sit contrarius, Aula docet.

*Comes Anglicanus, læsa Majestatis reus,
optione sibi factâ, in Massico mori
prælegit.*

Qui sibi delegit vitam finire bibendo,

Haud fuit indultum sobrius ante merum.

Formosulo.

Aut Narcissi in te pulcerrima forma revixit,

Aut mera Narcissus fabula vivit adhuc.

Batta

Battologo.

Sermo tibi plerumque rudis, prolixus & audax,
Est impossibilis res, epigramma tibi.

S. Hieronymus pectus lapide diverberans.

Verberat arreptô præcordia Dalmata saxo,
Cordis ut affrictu prodeat ignis, Amor.

Echo Amoris.

In quacunque domo fuerint unius amoris,
Unius pariter moris, & oris erunt.

Christus in medio Latronum.

Latronum medius quâ lege pependit Jesus,
Qui Legislator, non latro legis erat?

Bellorum causa.

Unica bellorum causa est, non una voluntas;
Si namque una foret, pax quoque summa foret.

Mundus muliebris.

Fœmineo generi mundus non sufficit unus,
Ipsa creat mundos fœmina sæpe novos.

Aliud.

In mundo tria sunt, dilectus Apostolus inquit:
Fastus, avarities, luxuria; ecce tria!
Non caret hisce tribus, quem portat fœmina,
mundus;
Unde etiam mundi non malè nomen habet.

Lin.

Lingua detractoris.

Ipsa mihi visa est hanc inflammâsse gehenna,
Quòd famam fumis denigret illa suis.

In eandem.

A' traho compositum placet illi detraho verbum;
Extraho, carnifici, lege jubente, placet.

Unde lachrymis falsedo?

A Sale falsescunt lachrymæ; Sapientia sal est.
Hæc oculis cùm sit proxima, fallit aquas.

Silicernio nupturienti.

Solam connubij communem agnosco secundam,
Tunc senex totum reddere tale velis?

Sultanus Solis ac Lunæ frater.

O quàm dissimilis fratri est, similisque sorori,
Stultitiæ siquidem congruit illa lux.

Dedicatorium ad S. Franc. de Sales.

Hosce meos nè sperne sales, Divine Salesi,
Quò pactô Salibus sal sit ubique suum.
Sal terræ quondam fueras, nunc esto meorum
Sal salium; paries hac ratione sitim.





CENTURIA VII.

Augustissimo Cæsari

*In-victis Regibus, cæterisque Princi-
bus Christianis, post solutam Vienna
Obsidionem 1683.*

Alloquor in vobis Athletas cœlitus unctos,
Unctos in luctas, prælia Sancta DEI !
Sumite nunc scutum fidei, galeamque salutis,
Pro Patria, Imperio, Religione, DEO !
O Caput Augustum ! fortunatissime Cæsar !
Augusti Reges ! Christiadunque Duces !
Cernitis, ut totus pro nobis militet æther ?
Ull DEUS Austriaci Cæsaris arma juvet ?
Sepositis, si quæ gliscunt, tantisper ad aras,
Diffidijs, belli fœdus inite novi !
Ecce triumphorū campus, nunc undique palmis
Constitus ! en vobis ! (pergite !) Porta patet.
Porta (inquam) jam mota suo de cardine nuper ;
Hanc ô Samsones tollite ! Gaza patet.

Au.

Audior ! & primo resonantia Classica vere
Audio ! Samsones Porta Otomanna time !

*Sanctum & optabile Principum
responsum.*

Jam conjuratis animis procedimus omnes ,
Ad sua, quô Reges tempore, bella solent.
Arma secundabunt Superi ; nam bella geruntur
Pro Patria, Imperio, Religione, DEO.
Roma juva ! bellôque sacro bene Roma precare,
Latiùs ut pateat Grex & Ovile Tuum.
Fortunam, Sultane, time pro Cæsare stantem,
Et belli, quæ nunc sumimus, arma sacri.
Non privata isthoc sectamur commoda Marte
Alea communis nos movet una, boni.
Ergo bonis avibus, ventis, fluviis que secundis ;
Mentes magnanimæ pergite ! vela damus.
Sentiat heu ! vulnus, cæsim punctimq ; Monarcha
Barbarus ! ut rubeat sanguine Luna suo.
Dicite nunc Stellæ Vestro cum Sole vocatæ ;
Adsumus ! occasum perfida Luna time !

*Sanctissimo D. N. Papæ, Innocentio XI.
bellum adversus Turcos, etiam sacri thesauri
impendiô, strenuè promoventi.*

Contractum ex lucta nervum Jacobus habebat ;
Et nervo belli Martia lucta nocet.

Con-

*Sultano Turcarum Imperatori, Ahemeth
dicto, Ibrahimi Imperatoris filio.*

O Lunæ ac Solis frater ! terræque marisque
Rex, Hæres Cœli, denique nate Jovis !
Verborum satis est ! quæ stulta Superbia finxit,
Armorum pariter nunc Ahemethe satis !
Influctum sentin' vulnus, quô nuper es ictus ?
Plura tibi Cæsar vulnera, Réxque parant.
Cernin ? ut exernit patientia læsa furorem ?
Haud, tibi qui bellum svasit, amicus erat.
Nónne parens Ibrahimus erat ? tu filius ergo
Nunc Isac fies ; victima namque cades.

*Ad Sereniss: Regem Poloniarum Joannem
cujus præsentissimâ ope, Obsidio Vien-
nensis soluta est.*

Séque suósque Tibi nova debet Virgo Vienna,
Quô dignatus eam nomine primus eras.
Virgo Vienna(inquam) Tibi debet séque suósq ;
Quã Mahometh voluit Mæchus habere suam.
Atque actum jam pænè fuit, nisi pacta Joannes
Rescideras, ajens : non licet esse tuæ.
Rescideras porrò frameâ, nè pacta licerent,
Certè illic major nemo Joanne fuit !

Eidem Coronato Capiti Turcis in viso.
Baptistæ decollati memorabile festum ,
Sicut apud Turcos esse celebre solet.

E

Sic

Sic, ô Rex, cuperent festum duplicare Joannis,
Si caput in disco posset adesse Tuum.

Ad Sereniss. Principem Carolum Lotharin-
gum, cujus potissimum consiliô ac directi-
one, Turca suis ad Viennam castris
exuti sunt.

Consilio, Martique Tuo debetur; & Armis
Fertur in acceptis à potiore Tuis:

Exutos Castris Thraces cessisse Viennâ.

Quos monte à Calvo primus adortus eras.
Non igitur posthâc Calvus mons ille vocandus.

Qui Duce Te, Palmas, Téque Satore tulit.

Serenissimo Principi Jacobo, Augusti Re-
gis Poloniarum Augusto filio, eidem tunc bello
magnanime presenti.

A teneris siquidem consuecere Thracibus ausis,

Quid porro facies postea, cum Vir eris?

Est Tibi Jacobo nomen; mera fulmina Thraces

Tunc metuant! quorum Tu Boanergus eris.

Illustrissimo ac Excellentiss. D. D. Rutgero
S. R. I. Com. de Staremberg Viennensium
adversus Turcas eadem tempestate
glorioso assertori.

Virtutem laudare Tuam, si carmine vellem,

Heroô, ô Heros magnanime! esset opus.

Inte-

Interea leviorè metrò curtam accipe laudem,
Te Turca haud potuit vincere ; Curta sat est.

*Illustrissimo ac Excellentiss: D: D. Cassaro
Kaplirz S. R. I. Comiti, ibidem Casareo
Locumtenenti.*

Quæ pro Cæsareis Heros Kaplirzius armis
Gesserit ; ingenium vix capit ista meum.
Id vulgò tritum est : quæ Staremborgius egit,
Consiliò ô Heros facta fuisse Tuò.

*Horum duùm Generalium Virtus
gemina.*

Consilium prudens, nec non Industria fortis,
Quæ Tua sunt Cæsar tessera magne, duo.
In geminos partita Duces, duo fulmina belli,
Servârunt Civis Virgo Vienna tuos.
O dignos fastis Pugiles ! Tua Cæsar uterque
Viva appellari tessera jure potest.

*Cara Mustapha, grandi Vizirio, fugâ sibi
suisque Viennâ consulenti.*

Mustapha ! quò raperis per devia & avia quæq ;
Tam subitò factus de Cane tunc Lepus ?
Ut timido lepori spes est fuga sola salutis,
Sic mora tardanti mors tibi certa fuit.
Non secus ac quidam cunctando restituit rem,
Jacluram rerum tu properando facis.

E 2

Hosti.

Hostiles laqueos quid te effugisse juvabit,
Si laqueus maneat te, capiârtque domi?

*De Kahlenberg, monte Viennensi, sic à cal-
vitie Germanis dicto, ex quo nuper initium vi-
etoria contra Turcas.*

Regius ut quondam Vates, in Gelboa montes
Quò steriles fierent, vota precésque dedit;
Sic Vates contrà voveo, quò frugifer indè
Evadat collis, qui modò calvus erat.
Nec ros, nec pluviae desint! quem Turca rigavit
Sanguine, consecvit carnibus ipse suis.
Hic Palmae! hic oleae, paci natae atque triumphis
Crescite! nè Calvum Virgo Vienna vocet.

De eodem monte Kahlenberg.

Quem Veteres dixere, suo de nomine Kahlberg,
Galgenberg, moriens Mustapha sensit eum.

Aliud de eodem.

Si Calvo nomen maneat, salvumque perennet,
Turcarum à Calvis mons vocitandus erit.

Lectori.

Longior hìc solito, res deposcebat, ut essem,
Causa Dei & Patriae vix finit esse brevem.

Typographo mendosè imprimenti.

Tam comptè ac promptè, quàm tu, si scribere scirè,
Nec fieres pretiò nec prece Scriba meus.

Si

Si mea vis mandare typis, ceu velle videris,
Amandanda scias omnia menda procul.

*Lingua mea Calamus Scribae. ps. 44. ad bi-
bulum Scribulam.*

Cen atramentô vult tingi sapius ille,
Sic quoque vult tingi sapius illa mero.

Sequens distichon in somnis natum

Anno 1683.

Dicere quisque potest de se crinitus Iopas,
Si nimum crinem diligo, crimen amo.

*De admirabili vita Vener. P. Aloysij La-
Nuza è Soc: Jesu Neapoli typis
vulgata 1679.*

Quid prius hic laudem, quid mixer, aménve, se-
quárve

Dicere fas non est, Lector amice, tibi.

A nuce nomen habet; proh! quàm mirabilis hæc
Nux,

Ipsæ, reor, similes vix paradisus habet.

** La-Nuza Hisp. Nux.*

Mundus multifariam scissus.

Unius internas orbis divisio partes

Quot segmentorum fons & origo fuit?

Partibus innumeris modò tellus unica constat,
 Quæ modò constabat partibus una tribus !

Leno & Lena.

Quamvis lena nihil, neque lenæ leno dedisset
 Attamen his carò constitit illa caro.

Perquam tenaci.

Quod tua pauperibus largitur dextera munus,
 Hoc tua nequaquam scit, puto, læva manus.

Masculo non optimi exempli.

Mascula cenletur proprio cognomine virtus,
 Inte nequities mascula, parve datur.

Aliud in eundem.

Multa audes & mira patras, homo sesquipedalis,
 Non tam parvus homo es, quam mihi pravus
 homo es.

Psalter Epigrammaticus sacer.

Quot psalmos scripsit, tot & ille poemata scripsit
 Quorum versiculi sunt epigramma breve.

Asia Turcis habitata.

Sit licet hæc orbis potior pars, parque duabus,
 Attamen haud dici sanior illa potest.
 Non Asiam quinimo Asinam bene dixeris illam,
 Latè adeò ruditas hîc, feritasque pater.

Ad

*Ad B. Stanislaum Kostka S. J. Deo Eucha-
risticô ab Angelo pastum.*

Utri plûs sapuit? Tibi pingvis portio carnis?
An Christo osciculum? plûs Tibi, Kostka, caro,
Kostka Polon. idem quod, osciculum.

Brevia, & longa.

Hæc proluxa placent; lusus, convivia, somnus,
At contrâ, preculæ, Concio, Missa, breves.

*Cuidam sensato Magnati, septuagena-
riô majori.*

Tertius ac decimus post secula lapsa bis octo;
In te annus pergit vivere; IUDICIUM.

De Alauda ad Aulicum.

Laudat alauda DEUM, dum sese tollit in altum,
Et quando ima petit laudat alauda DEUM.

*Ad Illustrissimam Prosapiam Wchin-
skyanam.*

Tres excussilli dentes de fauce lupina
Unde obtrectator, quod vereatur, habet.

Ad eandem, Musis equè ac armis inclytam.

Dum quondam Cadmus jaceret nova semina,
dentes,

Prodire innumeros vidit ad arma viros.

Ecce novos tibi Cadme viros ex dentibus ortos,
Ingens Parnassi militiæque decus!

De V. Vulneribus Christi.

Quinq; libri Moylis; totidē sunt vulnera Christi
Illi sunt Codex, hæc mihi Corpus erunt.
Illic scripta Dei digitō Lex plena timoris,
His plena affectūs Lex & amoris inest.

De SS. Cosma & Damiano.

Nobile par fratrum! quibus ars præclara medendi,
Et scopus, intentō numine, nostra salus.

*Cuidam Dynastæ, ab ingenio & scientijs
magno, de pretiosa ejusdem
bibliotheca.*

Næ Tua tot lectis longè instructissima libris,
Exprimit ingenium Bibliotheca tuum.

*Illustriss: ac Excellentiss: D. D. Wratislao,
S. R. I. Comiti à Sternberg, de Stella
ejus gentilitia.*

Lapsuras Christus prædixit ab æthere Stellas,
Noveris unde Tuam cœlitus esse datam.
Fulgeat ergo diu! dum rursus in astra feratur,
Cætera, de cœlo, sidera quando cadent.

Ad Poëtam, authori aggratulantem.

Ludere versiculis perquam solenne Poëtis,
Forsitan in votis esse Poëta velis?

Author suorum Epigrammatum

Censor.

Nos numerus sumus & chartam consumere nati.

Censeo versiculos dicere posse meos.

*Ad Illustriissimam Comitum de Thun
familiam.*

Facta Deo, non verba placent; prosapia Vestra

A factis nomen, Tevtone teste, trahit.

Christus inclinato capite emisit Spiritum.

Dum Caput inclinat JEtus, humeroque reponit,

Quod leve dicebat, nunc grave sentit onus.

Florimundus Remundus.

Mundos una duos Nomenclatura replevit,

Dignus, quem totus mundus uterque legat!

*Illustriissimo D. D. Ferdinando Popel de
Lobkovitz S. R. I. Comiti.*

Tanta futura Tuæ fuit excellentia Gentis,

Vt generis posset non meminisse sui.

Mortalem idcirco quò sese crederet esse,

Adseivit cineris nomen inane sibi.

Popel Bohemis idem, quod Cinis.

Grandes Hispania & Pares Francia.

Grandibus intersunt, de quo nihil ambigo parvi,

Et Paribus desunt nè dubitate, pares.

E 5

Barun

Barunculo nonnihil fastuoso.

Quonam prodierint, docet Echo, Patre Barones,
Clamanti : Baro ! mox ea reddit : aro.

Saturnalia.

Pingvia festa Patris, quis Saturnalia dicat ?
Tam propè nemo esur quàm prope nemo satur.

Avarus.

Quantò plùs opibus, Crœli instar abundat avarus,
In miseros tantò parciore esse solet.

Lazarus Epuloni.

Me cœnâ si quando tuâ dignabere Codrum
Te Mecœnatem magnificabo meum.

Kalendæ 1. dies cujusque mensis.

Nulla Calendarum Græcis est cura vel usus,
Non secus ac si illis deforet una dies.

Zenonista.

Ex individuïs constant (ais) omnia punctis,
Omne tulit punctum qui tibi puncta negat.

Scientia inflat 1. Cor. 8. Cuidam Eximio.

Inflat (ait) Paulus, ventosa scientia sæpe,
Non minùs ac vacuum spiritus inflat utrem.
Hunc vel acus lædat, tumor omnis abibit in auras
Luciferi casus proderit instar acûs.

Contra Assertores fati.

Sidus idem falsis Geminis, longè impare fatô ;
Fatum ergo fati stella utriusque fuit.

Medico optimo, licet etate juveni.

Hippocratem virtute refers vernantibus annis,
Ceu arti Medicæ imberbis Apollo præest.

S. Ursula cum undecim millibus VV.

Virginibus denis Cælum æquiparavit JEsus,
Millibus undenis æquiparare potest.

*De Illustriss: & cum primis opulenta Czer-
niniorum Gente de Chudenicz in
Bohemia.*

Czerninijs nomē Chudenicz, quī congruat istud !

Tanta quibus Cœlō copia fluxit opum ?

At bene Czerninios Gens olim nostra vocavit ,

Cūm priscā emineat nobilitate Genus.

Czerninios (inquam) sic à nigredine dictos ,

Nempe vetustatem in stemmate fumus olet.

* Chudenicz à pauperie, Czernin verò à nigredi
ne Bohemis dictum.

Admodum hebeti.

Ingenij sedes, ubi sit scitaris ; habeto :

Ingenio nusquam te penès esse locum.

Socer Genero à suis degeneri.

Proh ! quantum à proavis distas & stemmate toto ;

Nemo magis potuit degener esse gener.

Degener à tota majorum stirpe tuorum,

Ambigo posse magis degenerare genus.

Fucunda Poesis.

Pare omnes, tandem generant fallidia Musæ,
Forſitan id minimè læta Poesis habet.

*Illuſt: Thalenbergiorum familia citra
faſtum glorioſa.*

Gloria confertur monti, ſubmiſſio valli,
Væſtra, quod eſt rarum, jungit utrumq; Domus.
* Thalmberg Germanis idem ferè q' quod vallis
& mons.

Sapienti in Juventute caneſcenti.

Canunt ſenſus hominis; tibi gratulor; illam
Tam citò canitiem ſenſibus eſſe tuis.

Cuidam Pulcheria minùs ſenſata.

Quinque licèt ſenſus habeas Pulcheria; quinque
Inter ſenſatas non licet eſſe tibi.

*De Thabor urbe Bohemia, à Cellarijs etiam
celebri, Teutonis judicium.*

Tam bona vina tibi ſi ſunt, Cellaria quàm ſunt,
Eſt in eo Thabor figere caſtra, bonum.

Pirate & Bandita.

Hi ſunt monſtris ſimiles, ſpectrìſque marinis,
Hi ſimiles brutis indomitìſque feris.

De

De Blaterone quodam.

Non auras solum, neque solas verberat aures,
 Os simul & linguam verberat ille suam.
 Si non sufficiat talem reprehendere verbô
 Verbere mulctandus verbero talis erit.

Peccatori de pretio lachryma: super illud.

Pf. 67. Pluviam voluntariam segre-
gabit Deus.

Stillam vel minimam tanti Deus æstimat in te,
 Quamlibet ut summas censeat inter opes.

Descriptioni immortuo.

Non nemo è nobis animam, dum scriberet, egit:
 Aptè inscripsisset bis, citò, terque citò.

Aliud de eodem.

Quotquot erant ab eo mandata elementa papyro
 Vix aliud fuerint quàm mera puncta, vale.

Sitis Christi in Cruce.

Quem Jesus à se calicem transire rogabat
 Hunc avido moriens ore bibendo, sitit.

Fiscus & Viscus.

A Visco fiscum, à fisco distingvito Viscum,
 Hôc capiuntur aves, hôc rapiuntur opes.

Eximia Virtutis Viro.

Quæ solet in multis virtus peregrina videri,
 Censetur meritò te penès esse domi.

*Judici, Judæo adversus Christianum
faventi.*

Nomine duntaxat nudo es, non munere, Judex :
Ultima dematur syllaba ; dic, quid eris.

Celeri Anagrammatario.

Appositè nōlli verborum vertere sensum ,
Quale placet munus : mox mihi, numus, ais.

*Ad Slanam Urbem Bohemia, Ditionis Mar-
tinicziana à salinis sic dictam A. 1684.*

A Sale nomen habes, cujus licèt esse feraci,
Slana ! tuus Dominus plus salis unus habet.

*Triangulum cordis SSS. Triados domi-
cilium.*

Parvula in humano structura triangula Corde
Est uni ac Trino jure dicanda Deo:

Deformis Mater formosi filij.

Formosam genuit Mater turpissima prolem ,
Quomodo Narcissum sordida terra parit.

Poëta de Salio.

A pedibus nomen magna cum laude mereris,
Quos laudet Salius quòsque Poëta. probet.

Diviti.

Qualiter affectum reperit te proximus in se,
Talem nè dubites experire Deum.

De

De Gentilitijs Prosapia Dietrichsteiniana Cultris.

Fert clypeò geminos stirps Dietrichsteinia Cultros,
Pro defendendo Cæsare, proque DEO,

De iisdem.

Una satis fuerit Cultris vagina duobus,
Quam tensa ut pellis coelitus astra parant.

Vegeto Senecioni.

Præproperè passus glomeras; vel passibus æquis,
Ad metam venies, cras hodiève tuam.

Dives ut plurimum mortem timens.

Nemo magis mortem metuit, quàm dives avarus,
Instar enim furis mors venit atque rapit.

Malum Protoplasta.

Nullus in inferno, qui nunc est, Tantalus esset,
Tantalus esse olim si voluisset Adam.

Primum Christi miraculum conversio aque in vinum.

Prædicat in Christo fusè miracula Tevto,
Quæ gesta in Cana sunt Galilæe tua.

O signum signorum (inquit) jure ordine primum;
Nullum tam liquidum tamque suave lego.

Zoilo.

Quò placeas paucis, per paucis Zoile parcis,
Charus eris paucis Zoile, parce tibi.

Ilust.

*Illustriss: D. D. Ferd. S. R. I. Comiti de
Salmis de gloriosis Salmiorum victorijs.*

Quā bene de Salmis, gens vestra antiquitus audit,
Tam bene de palmis dicier illa potest.

Erat ei pretiosus (intellige Centurioni)

Servus. Luca 7.

Carus erat Domino Servus, quia charus eidem,
Fecit ei pretium Centurionis amor.

Centurio Dominos centum superavit is unus,
Rarò servus erit tam pretiosus Hero.

Cuidam Idiotæ Oxoniensi.

A bove Tevtonico, Græcòque agnomen Afello,
Presbyteri ut par est Oxoniensis habes.

Christus hyeme natus.

Hiberno natum cum constet tempore Jesum,
Eheu! tunc noster quomodo frixit Amor!

Optimi Parentis, optimo filio B. à K.

Qui genium morèsque Patris sortitus es; ô quàm
Hæres magnarum Tu mihi dives opum!

*Raderus, interpres Martialis per quam
ingeniosus.*

Authore, interpres, pænè ingeniosior ipso est,
Ille animam, corpus versibus ille dedit.

Chri-

Christophorus R. oppidò hebes.

Dum Soly mas Jesum, quondam deferret asellus,
Hujus Christophori nomine dignus erat.

Præfecto Spiritûs magni exempli.

Virtutum radijs, ferventèque Spiritu, ut alis,
Utrumque in nobis spiritualis alis.

*Cuidam Helluoni in Germania, vulgò
Jacob.*

Nomen inane geris Patriarchæ nomine Jacob.
Quin potiùs Jacob non malè frater eris.
Jacob frater, Esau.

S. Ignatius de Loyola tormenti ictu ad frangem revocatur.

Aptior ut fieret posthac Ignatius astris,
Tormentò duplici numen habebat opus.

Angelus ad stivam, S. Isidori vicarius.

Quando sacras orat supplex Isidorus ad aras,
Angelus, ejusdem munere functus, arat.
Hic versando solum, conversando alter in astris,
Mutavêre suas hac ratione vices.

Accusator fratrum diabolus Apoc: 12.

Fratrum acculator Sathan, antiquitus audit,
Quis posthac frater dæmonis esse velit?

Unde bella?

Prælia quæ patimur sceleris sunt præmia nostri,
Avertent Superi prælia, tolle scelus.

S. Laurentius & S. Stephanus.

Nomine præfert laurum Laurentius ipsô,
Quô pariter Stephanus fert Stephanóma sibi.

Juvenum Advocatus apud senes.

Quàm sæpe immeritò juvenilis vapulat ætas,
A senibus! vitium quod solet esse senum.
Da veniam jam non juveni, veneranda senectus!
Num vel flertendo non licet esse seni?
Nascitur ingenium, non fit crescentibus annis,
Canities illi vel juveni esse potest.
An non Musarum Deus est imberbis Apollo?
Quæ non laus Christo cùm duodennis erat?
Objicis; at quænam juveni experientia rerum?
Hanc supplere nimis cætera dona solent,
Illico ad hanc vocem blandiri visa Senectus,
Si doni est (inquit) spes mihi, cuncta probo

Epilogus hujus Centuria.

Quamvis res alias sal à putredine servet,
Destruet insulsos falsior hosce sales.





CENTURIA VIII.

DEO ter Optimo Maximoque.

A Jove principiū ! Deus optime Maxime tecū
Ordior ! esse velis O mega & Alpha meum.

*Ad S. D. N. Innocentium XI. de pe-
dum osculo.*

A Capite ordiri mos est ! hinc ordior abs Te,
Sub Jove qui summum crederis esse Caput.
Ordiri à Capitis non ausus vertice summo,
Ordior à pedibus, si patiare, Tuis.
Annuis ? ecce pedes flecto ; pedibusque beatis
Oscula do, labijs non sinè labe meis.

De die Judicij ad peccatorem.

Venturus cū sit Judex in nubibus olim,
Mille timenda mihi fulmina ; mille tibi.

*Ad Lenonem, cujus gratiā Ignatius, rigente
brumâ sese stagno collotenus immersit.*

Immergit sese gelidis Ignatius undis
Te levet ut cœnô, sus lutulente, tuo.

Nè

Nè tepidum dicas quò sic exarsit, amorem,
Dum tuus his fieret frigidus ignis aquis.

*Societas Jesu ex primis 10. Patribus
coaluit.*

O, si postponas uhi mox unio fiet,
Hanc primi ex Socijs constituere decem.

*Celsissimo ac Reverendis: Principi Joanni
Friderico de Waldstein Archi-Episcopo
Pragensi.*

Præcelsum quiddam, ô Princeps, cœlestéq; spiras;
Vnde Tibi cultus tantus, amorque Tui.

Plurima virtutum decorumque modestia velat,
Quò se ipsâ evadat maxima fama, minor.

Scilicet hæc virtus est vestræ propria Genti,
Vt famam meritis exsuperare velit.

*Eidem Celsissimo quâ perpetuo Universi-
tatis ibidem Cancellario.*

Ingenio expingis musas, virtutibus ornas,
Exemplis svades, auspiciisque foves.

Cuidam Dynastæ in suos parum miti.

Turgida mulgentur quò sæpius ubera vaccæ,
Lactis eò (nescis?) illa datura minùs.

Religiosorum ordinum sugillatori.

Vix Poly carpe tuas vox ORDO vellicat aures,
Cum vox in mentem mox tibi Rodo, venit.

Muli.

Mulier suapte naturâ dolosa.

Quantæ sit fraudis mulier, lex una docebit,
Quando furit, ride; ridet at illa, fure.

Pictori facile principi.

Picturis ea vita tuis inducitur abs te,
Quæ nequeat tecum dum moriere, mori.

Locutulejo.

Quæ fuit in votis Psaltæ, cullodia lingvæ,
Hæc eadem votis mille petenda tibi.

*Libello suo, à potiori noctu per insomnia
nato.*

Obscuris te nè dubita natalibus ortum,
Quò poni obscuro te patiare locò.

Alano idiota.

Sal nunquam non est oculis inimicus & hostis,
Sic oculos sapiens lædit, Alane; uos.

Cuidam Dominationi sequioris sexûs.

Prima parens hominum, Conjux & filia costæ,
Dama * putas Adam ex nomine, facta fuit?
* Dama Gall. Domina.

*III^{ma} fratrum triadi de IV. tenerè se
complectentium.*

Tres numerò Charites, totidè simulachra dearû,
Vestrûm essent, sineret sexus, imago trium.

Opri.

Optimo senecioni.

Primævos in te video, virtute Bohemos ;
Mirus enim Candor simplicitasque tibi.

*S. Franc: Borgia, ob populi concursum pri-
mam DEO hostiam sub dio litare
cogitur.*

Compellunt turbæ, navim conscendere JESUM ,
Franciscum cogit turba litare foris.

Non tulit ardorem Francisci angustia templi,
Hinc ut eum exciperent astra, necesse fuit.

Creditor Debitori.

Vnde (rogas ex me) sit dicta moneta Latinis ?
A verbo moneo nostra moneta venit.

Quæstori Amico suo Gen. D. L. H.

Innumeros contra quæsturas audio quæstus ,
Quæsturam ex illis quæret, Amice, DEUS.

Filijs terra.

Scinditur in partes, atque intima viscera tellus.
Orcus at in centro dicitur esse situs.

Augustino W. exiguø Theologo.

Nè spera à cælo genium, qui è littore dicat :
Huc volo transfusas aquoris hujus aquas.

Problema: Sintne cæli solidi, an liquidi?

Pro liquidis, Pisces, & Cancer, & Amphora cer-
tant,

Pro solidis pugnant cætera signa novem.

Patientia virtus.

Scobe alitur magnes; duris Patientia virtus;

Ille trahit ferrum, plus facit ista, domat.

Societas Jesu persecutione crescet, effato

Sancti Borgia.

Multa pati Jesu socios, celeberrima res est,

At! sua juglandem verbera nonne juvant?

Ad Christum alapis percussum.

Lævâ percussâ svades opponere dextram:

O quoties fuit hæc lex subeunda Tibi!

Crassus Rom. Orator in rostris mortuus.

Et dixi, & vixi; potuillet dicere Crassus,

Qui cùm desineret vivere, dixit adhuc.

Furis Europæi distichon de sex diphthongis.

Tollimus Europæ, multa auri præmia fures

At solet Harpyjas hei mihi! pœna sequi.

Amico suorum immemori.

χαιρῶ suum potuit si dicere psittacus olim

Tu mihi Charorum maxime χαιρῶ negas?

De

De Gentilitia Nostitiziorum Anchora.

Perſius in metris ſpem macrã aliquando vocavit,
Spes nobis pingves Anchora veſtra facit.

Prodigo famenti.

Prodigijs clares ! intellige ! prodigus audis
Et licet eſſe velis prodigus, eſſe nequis.

Surge ! quouſque famem patiere ſubulce caninã ?

Surge ! Patri ſupplex, experiere Patrem.

Surrexit ſupplexque Patri, mox veſſe potitus

Diſcubuit : Patri charus, ut ante, ſuo.

O ſuperi ! portentum ingens ! ô Patris amorem !

Prodige nate Patris ! prodigioſe Pater !

De Condo-promo, & Promo-condo.

Promit hic & condit, contrã alter condita promit,

Vt placet hic famulis ſic placet alter Heris.

Petrus Caniſius Germania Apoſtolus.

Adverſus fures, prædone, atque latrones

Latrat Caniſius, juſ habet ille Canis.

Piſces ſignum cœleſte.

Eridanus quondam Latiô ſublatus in aſtra,

Invexit piſces primus in illa ſuos.

R. P. Guilielmo Stanihurſto, præclaro Libellorum Scriptori.

Vulgatis abs te deſpectã mole libellis

Si non farcitur bibliotheca, nitet.

De

De Annalibus.

Annales veterum, quosdam reor esse canales,
De quibus ad Natos patria gessa fluant.

Laudari, anagr. antiquo, adulari.

Si quis adulari memet sibi dixerit, ausim
Dicere, laudari debuit ille minùs.

Conjugium unde dictum?

Non tam Conjugio nomen conjunctio fecit,
Quàm grave, quod Conjux portat uterq; jugi

Omnes qua sua sunt querunt. ad Philip. 2.

En à se Deus est; modò quilibet incipit à se,
Quæ tamen aseitas non facit esse DEUM.

Lucas & Cleophas.

Hi duo discipuli non agnovêre Magistrum;
Tam sibi diversus quàm peregrinus erat!

Senectus grave onus.

In terram plerumque senes sunt Corpore proni,
Secum quisque senum se grave portat onus.

Magnatum authoritas.

Omnia Magnatum propè verba, oracula fiunt,
Et quamvis careant pondere, pondus habent.

De S. Paulo.

Paulus (ut aiebat) fuit omnibus omnia factus,
Figmentum Protheus non fuit ergo merum.

F

De

De Sulcis ingenis S. Petri.

Gutta cavat lapidem : modò petrā gutta cavavit,
Non novi hunc hominem diceret ipse Petrus.

S. Petrus & S. Paulus individuum par.

Nunquam non Petro comes it, (mirabile !) Paul^{us},
Fecit conjugium suave, hymenæus Amor.

Etiam S. Catharina & S. Barbara individua.

Nunquam non comes it Catharinæ Barbara, mirū
Rivales, sponsi sunt in amore sui.

Opulento.

Crescit amor numi, quantum ipsa pecunia crescit
Si verum est ; numi proh ! tibi quantus amor !

Eidem ut minus sensato.

Census adest, ubi sensus adest plerumque ; vicissim
Non ubi sensus abest, mox quoq ; census abest.

Senecioni musto delectari solito.

Dum nova vina bibis, veteres, ea mittis in utres,
Quidni rupturam diluviūque times ?

Mors insatiabilis.

Ossea mors quamvis hominum centena voraret
Millia, non ideo est pingvior, atque satur.
Esurit illa magis, dum devoret omnia plenè,
Actandem morti proxima, cuncta vorat.

Stemmatum interitus.

Nobilitas generis fumosa est, quando senescit,
Et veluti fumus dum petit alta perit.

Ambrosio Calepino.

Quando ignoram⁹, Calepinū exposcimus omnes,
At Calepine tibi tu Calepinus eras.

*Cuidam obarato solutionem necquicquam
promittenti.*

Expungenda tibi cū nomina plurima restent,
Tu pro nominibus reddere verba soles.

CruX Christi Currûs mysticus.

CruX Christi est instar currûs, instarque rotarum
Sunt quatuor Clavi, bajulus, instar equi.

Pictori in arte Magistro.

Tam scitè ac propriè personas fingere nôsti,
Quòd personatas dicere nemo velit.

Luminare noctis.

Fratris ob occasum contestatura dolorem
Induitur pullam vespere Luna togam.

Ad Illustriss: ac Excellentiss: D. D. Fran-
ciscum de Wr̃bna S. R. I. Comitē, Appellatio-
num in Regno Bohemie Præsidentem, de hoc
admirando tribunali.

Non appellasset, puto, Paulus Cæsaris Anlam,

Regnâset, Faustô Præside, tale forum.

In Ascensione Christi.

Redditus est tandem Cœlo, Cœli unio Christus,
Ferreus ac impar annulus, orbis erat.

Beati pauperes Spiritu Matth. 5.

Christus ait Cœlos à paupertate parari,
Tartara divitijs quis dubitabit emi?

Quanam longissima nox?

Illa inter longas nox est longissima noctes,
Quam nullum excipiet mane, nec ulla dies.

Lectori.

Ut pauci sunt electi, multique vocati,
Sic bona pauca leges hic metra, multa mala.

*Didaco pralatura Candidato, eam simulan-
ter pertimescenti.*

Spero, pro timeo, legimus dixisse Maronem,
Tu contrâ speras Didace, quando times.

Laus propria & adulatoris.

Dicimus effatô veteri: laus propria sordet,
Nunquid olere magis laus aliena solet?

Creavit Deus Cœlum & terram.

Quis Cœlum & terram dubitaverit esse gemellos
Unô cum partu fudit utrumque Deus?

Xave.

Xaverianum satis est Domine, satis est.

Ah satis! ah satis est! satiatus amoribus inquit.
Jejunè dictum quis putet esse satis?

Aliud.

Franciscus potuit satis hic vixisse videri,
Nî satis hoc necdum, diceret esse, satis.

*Illustrissimo D. D. Innocentio S. R. I. Co-
miti de Bubna.*

Moribus innocuis respondet amabile nomen,
Bubna! licèt resonent tympana, bile cares.

* *Bubna* Bohemis idem ferè quòd *tympana*.

Doctori staturâ pusillo.

Grandius esse salis te quoddam dixero granum,
Nam doctos, terræ dicimus esse salein.

Aliud respondentì.

Dum cepas oleo, tu nobis allia ructas,
Non sapiunt ori fercula nostra tuo.

Allium, cepa, porrum. &c.

Allia cum cepis, porrum, nasturtia, Caules,
Inflant, inflammant, & malè semper olent.

Endivia.

Inter lactucas virides Endivia præstat,
Quò meliùs valeas, sæpe fit, indè via.

F.

Bras-

Brassica.

Brassica flos olerum, veterum medicina vocatur,
Suaferit hoc ægris non malè Paulus olus.

Asparagus.

Asparagis fortasse frequens aspersio nomen
Fecerit, ut, quod amant, sæpe rigare velis.

De Morte Alexandri M.

Unus Alexandro, cum non suffecerit orbis,
Alter ei tandem fatò adeundus erat.

De Cleopatra luxu.

Dum pretium Regni potu glutivit in uno,
Regina in Regno desijt esse suo.

Ad Virginem Immaculatam.

Virgo ! venenatum pedibus quem proteris atque
Hunc etiam plantis subijce Virgo meis !

De Eminentissimo PP. purpuratorum Collegio.

Jure Sacerdotum genus id Regale vocandum,
In quo Regalis purpura, jure rubet.

Hebdomada sancta.

Proh pudor ! hebdomadis è quinquaginta duabus
Unica duntaxat sancta vocanda fuit !

Anglia.

Romanam complexa fidem dum credidit olim
Anglia, quod ferme est Angelus, Anglus. erat.

Rar.

Respublica.

Cum titulo plerumque suo Respublica tandem
Spes & Res perdit, publica verò manet.

Crux dupla in signe Regni Hungaria.

Duplex Pannoniæ Crux est! myſteria quanta!
Quò maneat Chriſto concrucifixa ſuo.

*Niſi efficiamini ſicut parvuli, non intrabi-
tis in regnum Cœlorum* Matth: 18.

Infantes quali nunc genitos nos eſſe necesse eſt,
Inter Cœlicolas ſi lubet eſſe ſenes.

* Viginti quatuor ſeniores Apoc. 4.

Haud veraci.

Næ tu ad Cretenſes mihi pertinuiſſe videris,
Aut illi ad patriam pertinuere tuam.

*Ad S. Franciſcum Xaverium (qui oraculo
Pontificiô) nihil minùs à magnis geſſiſſe
Apoſtoliſ.*

Si de corporibus peterent nova Corpora mentes,
In Te Pauli animam, Dive, migrâſſe putem.

Noë.

In medijs ſervatus aquis, mersò orbe Noemus,
Naufragium in vino poſtea paſſuſ erat.

Bibo quispiam.

Pluribus exhaustis hesternâ nocte culullis,
Fluxa nimis (dixit) gaudia mundus habet.

Fortuna.

Dicitur apprimè fortuna volubilis esse,
Vnde etiam nummus sphaericus esse solet.

Agrestia nomina virorum illustrium.

Pisones, Fabii, Cicerones, Lentulus, unde?
A lente, à pisis, à cicere, atque fabis.

Imaginem Christi patientis depingenti.

Indiget, ah ! Jesu patientis imago colore :
Utpote, cui species nec decor ullus inest.

Imberbis, Deo supplex.

Nec pilus in terram, sinè Te, Deus, excidit unus.
Quî cadat in mentum Te sinè barba meum ?

Neo-Conjuges non infima sortis A. 1670.

Praga, primo nuptiarum manè re-
perti exanimés.

Utrum Connubij tædus, subsistat utrinque,
Legitimo sisti debet uterque foro.

Mures Fures.

Non secus ac fures, spoliant granaria mures,
Mus & fur laqueô dignus uterque suô.

Tutori

Tangere pupillum, pupillam est tangere Christi,
Noli me (Tutor) tangere, Christus ait.

Manum suam aperuit inopi & palmas suas extendit ad Pauperem. Proverb. 31.

Unâ quando manu dives largitur egenti,
Ambabus, magnô fœnore, lucra capit.

Unus Deus, tres persona. Una anima, tres potentia.

Mens una ac simplex, mentisq; potentia triplex,
Te trinum ac unum nos docuere DEUM.

Vinum, mel, oleum, quale optimum?
In medio vinum præstat; mel præstat in imo,
Præstat at in summo succus, oliva, tuus.

Quidnam sint nundine.

De rerum certant pretio mercator & emptor,
Ille quidem carò cogitat, iste levi.

De lusu taxillorum ad Magnates.

Dispare taxilli funguntur munere, quando
Luditur, à lusu conditione pares.

Calvo.


Læve tibi caput est, speculô prope lævius ipsô,
Est etiam cum sit depile, Calve, leve.

F5

Quid

*Quid est veritas ? Joan. 19. Anagram-
maticè : Est vir qui adest authore
quodam è Soc: 7ESU.*

*Quod tacuit Jesus, Socinus modò prodidit ejus.
De quo (inquit) fuerat quæstio, præsto fuit.*



CENTURIA IX.

Deo Optimo Maximo.

Maxim⁹ haud esses, nisi m⁹ Deus optim⁹ esses.
Optimus esto mihi, Maximus esto Tibi!

Serenissimo Archiduci Josepho.

*Nemo Tuum Josephæ potest depromere nomen.
Quin Tibi cogatur dicere, & hostis, Jo!*

*Ad eundem Sereniss: de hoc Augusto Jose-
phi nomine.*

*Dicitur accrescens Joseph ! Tibi fama, triumpho,
Nunquam desistent crescere, cresce Deo !*

Cresce

Cresce Tuis, & cresce Tibi, citò cresce diúque !
 Creverit ut nemo major in orbe gigas.
 Cresce annis, & cresce armis, & cresce triumphis,
 O Incrementum sub Jove, grande Jovis !

Democratia.

Imperium imperiò non est vulgarius istò,
 Utpote cui desunt virga, Corona, Caput,

Aristocratia.

Id genus imperij conitat primoribus, atque
 Principe, sic animâ & corpore, constat homo.

Monarchia.

Quod Deus in cælo, quod sol formosus in astris,
 Hoc est in terris quisque Monarcha suis.

De hoc triplici Imperio.

Æri confertur primum, argentòque secundum.
 Auto posterius ; jure proinde prius.

*Reverendissimo ac Celsiss. Principi Joanni
 de Gois, Episcopo Gurcensi.*

Plurima Te Princeps ornant, Sapientia palmam
 Præripit & Virtus ; lis gravis, utra magis ?
 His peregrinarum fociata peritia rerum
 Admiranda foris, deveneranda domi.
 Cætera Tu Princeps ornas, decorúmque Tuorum ;
 Tu Tibi par fueris gloria, párque decus !

Sabbas S. Abbas.

Re siquidem sanctus fuit Abbas nomine Sabbas,
Sabbas divino numine dictus erat.

Incendij Trojani fax.

Assignant Helenæ plerique incendia Trojæ,
Lenæ non Helenæ plurima culpa fuit.

Conjugum imparitas.

Disparium parium, quænam concordia ? discors;
Si pariant, parient talia monstra pares.

Epigrammatarijs.

Si quæ sunt tribuenda sacris insignia musis,
Non malè nostrati dandus echinus erit.

Sancta cuidam anima.

Si cerni posset virtutum forma tuarum,
O quanto in pretio, quanto in amore fores !
Spectat eas cælum, captumque decoris amore,
Gaudet in his cælum se reperisse suum.

Tria Superiorum S.

Si nimium sanus, sapiens, sanctusque sit Abbas,
Obtinget Monacho de tribus hisce nihil.

Loqui ut plurimum nocet.

Multa licet sentire licet, depromere pauca
Expedit; imprudens nè videre, vide.

Illu.

*Illustriss: ac Excellentiss: D. D. Francisco
Wchinsky S. R. I. Comiti, supremo in Regno
Bohemia Cancellario.*

Ad Neomagenæ tractandum fœdera Pacis,
Nuper ab Augusto Cæsare missi ieras.
Fortiter hæc urgenda fuit, sed suaviter æquè
Virtus, iugenum præstitit ambo Tuum.
Scilicet, ut dentes penetrandi robore pollent,
Sic scabrum quidvis reddere læve solent.
* Allusio ad gentilitios ex lupo dentes.

*Ad R. P. Jacobum Balde, insignem a vo
nostro Poëtam, à S. D. N. laureâ & numi-
smate aureo donatum.*

Quàm Tua Balde mihi placeat prolixa Poësis,
Vix satis id poterit promere nostra brevis.
Illa Caput laurô, pectusque illustrius aurô
Reddidit, ut de Te nuncia fama tulit.
Deveneror Capitis laurum, tum pectoris aurum;
At Caput inprimis ællimo, pectus amo.

Serio-joculari.

Et nôsti tractare jocos & seria nôsti,
Cum gravitate levis, cum levitate gravis.

Jacobo R. tenuioris fortuna.

Quid nisi Jacobo dextram, lævâque Joanni,
Matrem censendum est expetijisse piam!

Opto

Opto tibi pariter dextram Jacobæ; sed illam,
De qua, quid faciat, nîl sua læva sciat.

Hypocrite cuidam, Kalendis Maji.

Mos habet ut primis Majô redeunte Calendis,
Vi depacta arbos frondeat ante domos.
Hæc siquidem radice caret, cras arida fiet,
Ac tandem flammæ victima, pulvis erit.
Præ foribus defixa tuis stat silvula talis,
Indiciô, lignum quale sit intus, herus.

Frivolo Amico.

Frigidus & calidus spiratur ût halitus ore,
Sic amor ambiguus non minùs esse solet.
Tu calidum dicis, gelidum quem sentit Amicus,
Aut certè nimiùm frigidus ignis, erit.

Virgo cœlestis.

Virgo inter Libram media est intérque Leonem,
Hinc ut sit Virgo fortis, & inde gravis.

Bos Domini.

Bos meus (ad Dominû veniens, ità rusticus inquit)
Occidit vestrum (parcite quæso,) bovem.
Cuî Dominus: reddes alium; tam rusticus illi,
Vester (ait) vester stravit (ût erro!) meum.
Hoc totô est (infert Dominus) mi rustice cœlô
Diversum, Domini bos nequit esse tuus.

Ille.

Illustrissima prosapia de Liechtenstein.

*Æthereis penè est suppar Gens vestra pyropis,
Tanta illi Gemmæ copia lucis inest.*

Conjugium Germanis pretiosum.

*Teutonicæ genti, Conjux pretiosus uterque;
Thesaurum * Uxorem, vir vocat, illa virum.
* mein Schatz.*

De nobilissimo quodam conjugio.

*Digna virô Conjux! etiam vir conjugè dignus!
Iste suæ par est Conjugi, & illa suo.
Moribus, ingenio, virtutèque certat uterque
Vincitur, & meritô vincit, uterque pari.*

*Illustriss: D. D. Maximiliano Lazansky,
D. B. S. R. I. Comiti, in Regno Bohemia
Vice-Cancellario.*

*Est Tibi sermonis, vultûs, & gratia morum:
Uno in Te Charites tres reperere locum.*

De omnibus bene merito.

*Est quiddam cœleste Tibi velle omnibus æquè,
Quà benedicendo quà faciendo bene.*

*Mahomet polygamie apud suos author, in
Urbe Mecha sepultus.*

*Qua Mahometh jacet urbe cinis, bene Mecha
vocatur,*

Taliter à monacho jure vocanda fuit.

Pbi.

*Philosopho, qui se neglecto cursum cæli
considerat.*

Astra per angustam qui spectas sæpe dioptram,
Disce per angustam sic adeunda viam.

Nola in Campania, cuidam Bacchanalista.

Dicta à campanis peperit Campania Nolam,
Nulla ferè nolâ gens modò in orbe caret.

Unde Cardinales dicti?

His in Præsulibus, non frustra à cardine dictis,
Versatur, Papâ iudice, cardo rei.

*Ad Illustrissimam familiam de Kay-
serstein.*

Cæsareas inter gemmas, gens vestra nitescit,
Si vestri interpres nominis esse volo.

Classicum Hungaria.

O mihi finitimæ gentes! jam proximus ardet
Ucalegon! damnò, vestra cavete, meò.

Cernitis? ut vestris insistent incendia tectis?

Vos ea, dum sensim conflagro, certa manent.

Sistite grassantem flammam, nè gliscere pergat,

Postea Danubiò vix cohibenda meò!

Quidni affertis aquas? (populos intelligo multos)

Dum tota in lachrymis fio favilla meis?

Cui

Cui congrua laurus.

Non procul à proprio descendunt stipite poma,
Si stipes non est editiore loco.

Militi in fronte saucio.

Armigero fateor pulchra est à fronte cicatrix,
Si non respectus, vulneris ansa fuit.

Adversus Deum præscriptio nulla.

Adversus Numen nulla est præscriptio Juris,
Atta men in nostro sæpe fit illa foro.
At, væ Causidicis, quos hæc præscriptio tangit,
Appellaturum nè dubitate Deum!
Ipse supremus erit (cui pareat omne tribunal)
Arbiter, & Judex summus & æquus erit,

Fœmina viro mollior.

Mollior est mulier quàm vir, sic dicta vel inde;
Quamvis ex osse hæc facta sit, ille luto.

Astrologo cujus specula parum munda.

Quà cœlos spectare soles, grave ô lentia spirat,
Sene illic stellæ purificare solent?

*Reverendissimo Didaco de Can-Vero, Ab-
bati Monserratenfi.*

Sunt duo Jacobi numerô, majôrque minôrque,
Tu Te ipsô major scis fieri, atque minor.

* Didac-

* Didacus idem quod Jacobus.

*Quales erga Deum homines, talis erga
homines DEUS.*

Germani Fratres Jacobus hic, ille Joannes,
Per matrem sedes expetiêre duas.

At contrâ ad Patrem Jesus utrumque remisit,
Scit Deus ecce vicem reddere, pârque pari.

Joanni Baptista R. in vincula conjecto.

Nomen inane geris magni Baptista Joannis,
Nil aliud, præter vincla, Joannis habes.

S. Petrus inverso capite suspenditur,

Plantas Pette Tuas gettis imponere cœlo,
De reliquo teris vis superesse Caput.

S. Paulus capite minutus.

Saulus erat quondam, de Saulo postea Paulus,
De Paulo tandem Paululus, ensis ope.

I. N. R. I.

Quod scripsi, scripsi; indelibilis ecce character
Verius aut melius scripsit in orbe nihil.

De Serpente & Eva.

Dum Serpens nequam, nequaquâ, dixit ad Evam,
Illa fuit sequior, nequior ille fuit.

At postquam Eva virum pomô decepit Adamum,
Eva virô sequior, nequior angve fuit.

Momo

Momo alios rodenti.

Non ita vox Momus, ceu altera syllaba vocis,
Expingit mores, invidet mome, tuos.

Beelzebub.

Beelzebub, haud cuiquam magis est, quàm musca,
timendus,

Quamvis muscarum dicitur esse Deus.

S. Franciscus de Paula, pallio pro navigio usus.

Strata chlamys pontò, supplevit munia cymbæ,
Ecquis nauclerus talia vela dedit?

Fecit id Elias, fecit Franciscus id ipsum,
Post jejunia tot factus uterque levis.

Salomonis incerta salus.

Nescit homo, (dixit Salomon) utrùm sit amore,
Aut odiò dignus; nec modò scitur adhuc.

S. Georgio Equiti cujus honori author Poëma dicavit.

Si Tibi non placuit, quàm sum modulatus, avena;
Sat mihi si vel equo sit placitura Tuo.

Stylus mundi.

Massica principiò Mundus meliora propinat,
Sub finem solitus deteriora dare.

Sty-

Stylus Christi.

Christus principiò plerumque propinat amara,
Sub finem solitus dulcia mella dare.

Stella Magorum super Bethlehem disparet.

Extingvit itellas propior præsentia solis,
Sic visò in Bethlem Sole, Cometa fugit.

A Pentecoste magni plerumque æstus.

Excipiunt Pentecosten plerumque calores,
Sacri nos memores Pnevmatiss esse volunt.

Fam tertio anum in Conjugem ducenti.

Plus patrimonia tu quàm Matri-monia quæris,
Nolo (inquis) Matrè in Coniuge, malo Patrè.

Jurisconsulto minus perito.

Jurisconsultis solet esse peritia juris,
Par, quamvis censu dispare, penè cocis.

De Urbe & Joanne Rokycana.

Urbs Rokycana meos, ut jure meretur amores,
Sic odium meruit vir Rokycana meum.

Reverendiss. ac Perillustri D. Wenceslao à

Bilenberg, Metropol. Ecclesia Pragensis

Decano &c.

Non nudo tantum candorem in nomine præfers,
Majorem totò pectore & ore geris.

Can-

Candidus in plumis, niger est in corpore cygnus,
Plurimus est candor, nulla nigredo, Tibi.

Imò candoris mons integer ecce! Bilenberg!

Cujus apex serò candicet! atque diu!

* Bilenberg idem quod *albus mons*.

Egressus foras flevit amarè. Matth. 26.

Ad quem perjurus sedit, reslingvat ut ignem;

Ex oculis, tanquam fontibus, haurit aquas.

In vitatus ad epulum, nimis diu procrastinanti.

Convivam me sæpe tuum promittis habere;

Verborum satis est! sio vel inde satur.

Secundo in eundem.

Culpa Coci, non Culpa tua est, (nisi fallor) Amice,

Quòd propè sesqui-anno fercula quinq; pares.

Tertiò in eundem.

Dum coeli accurrant lepores, assæque columbæ

Usque volent, mensæ spem dabis anne tuæ?

Lusco philomelarum aucupi.

Luscinijs nomen dedit auceps lumine luscus,

Quò, cupiens unam prèndere captus erat.

Cardinalis Columna e sui ficûs immoritur.

In pomo quondam mortem glutivit Adamus,

In ficu mortem glutijt, iste suam.

Quod

Quod si tanta suo de cardine mota Columna est,
Mors! sicum ostendet nulla Columna tibi!

Novum martyrii genus in S. Xaverio.

Martyrio magnus Xavier non defuit unquam,
Defuit hoc illi; Martyrium ecce novum!

Ostreorum guloni.

Paschalem cum posthabeas Conchylibus agnum,
Dici apte possunt ostrea, Pascha tuam.

Unô sæpe die scis glutire ostrea centum,
Quoddam æquor ventrem suspicor esse tuum.

* Ostern Germ. Pascha.

Amor futilis.

Blandis in verbis, risu, manuúmque pedúmque
Plausibus, hoc ævi tempore, constat amor.

Parca.

Dictæ à parcendo, non nôrunt, parcere Parca,
Nemo in parcendo parcior esse potest.

De jejunio verno ad Hollandiam.

Efurie siquidem nostra, ô Hollandia vivis,
Catholicis debes vitam, animámque tuam.

Salpa.

Salpa, Latinorum placitô, simul audit asellus,
Sicut asellus enim, sic neque salpa sapit.

Passer marinus.

Æquoreus passer, stomachô conducit ut asser,
Dignus fasciculô, fasciculúsque rogô.

Halte

Halec.

Plus salis in tina post mortem devorat halec,
Quàm fors in vivis hauserit antè sali.

Carpio.

Notus in Evropa piscis, cui Carpio nomen,
Quòd valeat carnem reddere, córve pium.

Perca.

Utendum parcè percis, licèt esse salubres
Credimus, in dandis est aqua parca nimis.

Lucius.

Lucius à cauda laudatur, si sit edendus,
Instandum capiti si capiendus erit.

Anguilla.

In quavis villa non est anguilla, sed illa,
Quæ prius anguillas possidet ære graves.

Truta, seu aurata.

Trutas commendant maculæ, pulchrô ordine
sparsæ,
At maculas ipsas immaculata caro.

Castor & Huso.

Præ reliquis sapiunt, satiantq; hi: Castor & Huso,
Huso alter Pollux Castoris esse potest.

Delphinus & Siren.

Delphinus celer est; at siren voce, canora,
Ille homini fidus, perfida at illa nimis.

Gran-

Grandia Cete.

Non tam monstra maris sunt hæc, quàm viva
charybdis.

Navigijs totis vix satianda satīs.

Salmo Rex piscium.

Salmo inter pisces Rex est, nullique secundus,
In violis regnat svaviùs, inque Rosīs.

Cauda equina apud Turcos signum belli.

Factorus finem Sultanus pacis & æqui,
Appendi caudam mandat iniquus equi.
Scilicet in cauda bellum deprædicat æquum
Et jubet aptari in prælia rursus equum.
Quanquam aliud bellum syrma hoc designet
equinum,

Scilicet ad plures hic equus hinnit equas.
O Christi athletæ! frænos imponite mulo,
Dum finem indomiti cernere detur equi.

Christo spinis coronato.

Cùm Tuus in spinis manaret sanguine vertex,
Plùs nobis doluit quàm Tibi, Christe, Caput.

Excellentissim: D. Generalis Tillius p. m.
(cujus pientissima Oratio recens typis vulgata)
plusquam Tillius.

Tullius Orator populum in sua sensa trahebat,
Tillius Orator sub sua vota DEUM.

Castra

Castra secutus erat, longè magis astra secutus,
Astra secundabant castra, Ducémque DEUS.

Ex divitijs luxus & faustus.

Tam propè divitias fastus luxúsque sequuntur,
Quàm sequitur motum Corporis umbra sui.

Enorme frigus per Januar. & Febr. 1684.

Debuit aut Scythicis frigus valedicere terris,
Aut malè Germanos nos putat esse Scythas.
Canescunt, paritèrque tremunt, juvenísque senéxque;
Tantum non fornax ipsa, focusque tremunt.

Ovenus.

Ex versu arguto plus laudis haberet Ovenus,
Si non foedâsser carmina multa Venus.

Adulator & Adulter.

Detestandus adulator, damnandus adulter,
Alter Heri numos quærit, & alter Heram.

Præ viro mulier orco aptior.

Fletus in inferno quia dicitur esse futurus,
Aptior inferno foemina,quàm vir erit.

Novo Endymioni.

Ad lectum ad lethum ! dicebat Lipsius olim,
Nil (ais) hôc lethô lætius esse potest.

Ad S. Mariam Magdalenam.

A tergo aggredieris Jesum ? quasi verò retrorsû,
Qui merus est oculus, cerneret ille nihil.

G

Divo

Divo Aurelio.

Cor geris ignitum dextrâ Augustine ? flagranti
Angustum est cordi pectus utrumque DEO.

Mendaci.

Est adeò solenne tibi non dicere verum,
Vix valeas, quamvis dicere vera velis.

Unimano longurioni.

Unius cubiti poteris, vir mance, vocari,
Quantumvis Goliâ vix videre minor.

In excipiendis convivis admodum parco.

Pransuros prius esse domi condiximus omnes,
Quando voles epulo nos adhibere tuo,

*R. P. Gaspari Schotto è Soc. Jesu XXII. li-
brorum de re mathematica erudito*

Scriptori.

Haud nudum sortitus eras à Gaspare nomen,
Doctrinam pariter Gaspar adeptus eras.

Si tibi fluxisset cum Gaspare vita, futurus
Certè, à Casparo Rege, secundus eras.

Spiritus S. in lingvis igneis.

Venit in ignitis Divina Columbola lingvis;
Scilicet ante nimis frigida lingua fuit.

De

*De S. Joanne Nepomuceno, cui ærea recen-
ter Statua, in ponte Pragensi, de quo in Mol-
davam projectus erat, posi-
ta est.*

Profuit arcanum Reginae, abscondere Regi;

Ad palmain inprimis Naufrage, Dive, Tuam?

Æreus, atque ipsò propè durior ære fuisti,

Secretum quando pandere jussus eras.

Æreus idcirco Tibi stat modò jure Colossus,

Qui famam vulget, Dive, silendo, Tuam!





CENTURIA X.

Ad Augustissimum Imperator: LEOPOLDUM, etiam ejusmodi Musas non aspernantem.

Summa meis laus ista metris! lauri instar & auri!
Si fuerint abs Te Cæsare digna legi.

Serenissimo Archi-Duci Josepho.

Imperium cum Patre Tibi, non sufficit unum,
Tu potum capies imperiale novum.
Josephis oriens clarissimus extitit olim,
Illic imperium te manet ergo Tuum.

Ad serenissimam Sveciæ Reginam Christianam.

Ingeniô, lingvis, calamô virtutêque polles,
Æquivalēs Virgo pluribus una viris!

Illustriss: cuidam rœtriæ super ejusdem elegio Româ dato.

Antiochia olim decimæ sub nomine Musæ
Evdociæ statuam jusserrat esse sacram.

Restat ut undecimæ statuam sub nomine Musæ
Nunc jubeat Vati surgere stemma Tibi.

Celeberrima Fürstenbergicorū prosapia.

Quiddam principibus proprium, cognomine in ipso.

Se nobis offert ô veneranda Domus !

Propria Principibus celebrata sagôque togâque
Est Pallas ; pariter propria, utroque Tibi.

*Popelÿ Lobkovicÿ 250 millibus ramum de
spinea Christi Corona redemerunt, quæ etiam nû
penes familiam asservatur.*

Millia bis centum quinquagintâque dederunt

Pro spina Christi ! millia mille darent !

Spina illis feret ista rosas, & mille coronas,

Quæ sinè flore illis tam pretiosa fuit.

Ad S. Bartholomæum.

Dicitur extensum ceu pellis maxima Cœlum,

Ponis ob hanc pellem Bartholomæe Tuam !

Ad Magnates.

Quantum quis crescit, tantum decrescere debet,

Nè velut ex alto fulgur * in ima ruat.

* Videbam sathanam sicut fulgur cadentem. Luc. 10.

Cuidam Equisoni.

Mirè dislaudas extinctum nuper equellum,

Par de defunctis est bene quippe loqui.

De Gentilitijs S. Ignatij lupis geminis.

Romano quondam imperio, lupa profuit una,
Plus profunt gemini nunc Tibi Roma lupi.

*Incluta Urbi & Universitati Salisburgensi,
in qua Scientiarum arbitri è familia*

D. Benedicti.

Collectum venio, non sparsum, salque salésque.

Ni ligna in silvam ferre minora velim.

Nempe Salisburgi nequeunt non esse Salinæ,

Unde queat Salibus Sal superesse meis.

Hicce (inquam) Salibus potiori parte prophanis,

Sal benedictus ibi, Sal Benedicte, Tuus.

Sapiens & Sapientia.

Entia si solum sapiat Sapientia, stulta est,

Ens à se, Sapiens qui sapit; ille sapit.

Laus propria.

Quæque suam laudare solet vulpecula caudam;

Cum nullo confert syrmate, syrma suum.

Lectori.

Ut mea quis (Lector!) probet omnia, & omnia
laudet,

Ingenij partum censeat esse sui.

Cuidam immerito.

Munia gessi faceor non infima quæque,

Multum illis debes tu, nihil illa tibi.

Viam

Viam gratie calcanti.

Tres Charites præiere viam quam nuper inisti,
His prodromis planum svavéq; fiet iter.

Aliud eidem.

Gratia præcedit, sequitur deûn gloria, tecum
Consimili prorsus fit ratione modò.

In obsidione unicè necessaria.

Nil absque armentis armamentaria prosunt,
Et neutrum prodest, si manus, ôsque deest.

Illustriss: D. D. Ferd: S. R. I. Comiti Po-
pel de Lobkovicz Supremo Venationum
Præfecto in Bohemia.

Non solùm Cervos nec Apros venabere tantùm,
Orpheus in Casses gestit abire Tuos.

Illustriss: D. D. Wenceslao Czabelizky S.
R. I. Comiti, sub nuperam contagionem fortu-
natissimo Præge Pro-Gubernatori.

Innumeras inter mortes spectatâque latè
Funera, cùm Pragam est depopulata lues:

Integer omnino salvûsque perinde stetisti,

Ac si esses expert corporis, æsque fores.

Vnde immortalis poteras tunc penè videri,

Dignûsque idcirco qui videare diu!

Ad eundem Illustrissimum de gloriosa morte Illustrissimi Fratris in obsidione Viennensi
25. Augusti occisi 1683.

Frater germanus pulchrô pro Cæsare fatô,
 Lethali Thracum glande petitus, obit.
 Vulnus id excepit pectus, muri instar, amore,
 Cæsaris, ô quantus pectoris hujus honor!
 Vixit in Augusto, qui Augusto vivere dixit,
 Cui in Te pergit vivere, Fratre suo.

S. Bernardus inter instrumenta Passionis.
 Flurima Bernardum circumstant symbola mortis
 Mortis nimirum symbola, Christe, Tux.
 Lancea, Crux, spinæ, clavi, flagra, spongia, funes,
 Aut pro Te, aut Tecum vult citò Christe mori.

Petra scissæ sunt. Matth. 27.
 Dissiluire petrae, Jesu moriente, volebant,
 O Homo! duritiem frangere saxa tuam.

Et monumenta aperta sunt. Ibidem.
 Multorum, patiente Deo, patuere sepulchra,
 Mortua cum Christo mors, tumulanda fuit.

Magnatum superbia.
 Fastus Magnatum se prodit corpore totò,
 Solâ duntaxat mente tumente, latet.

Honores mutant mores.

Immutant passim mores cū dantur honores,
Officiosa placent, obsequiosa jacent.

Et tenebræ factæ sunt in universa terra.

Lucæ 23.

Extinctō Jesu cœpit tenebre scere Cœlum,
Luxerunt, pullâ veste, vel astra DEUM.

Sol obscuratus est. Ibidem.

Christō deliquim passō, sol deficit ipse,
Soli namque DEO gloria, Paulus ait.

Lepusculus Martialis.

Martius armorum mensis, mera prælia spirat,
Sæpe tamen timidus prodit ad arma lepus.

Pœta claudo.

Non tam Scazontē, quā claudo poplite Scazon,
Hexametrum in gressu pentametrumq; refers.

Ver bellorum ferax.

Vere solent ad bella foras procedere Reges,
Fortunæ metuant, flore cadente, suæ.

Pictura rari artificij.

Compressis si non labijs pinxisset Apelles,
Artificis laudes posset imago loqui.

*Petrus Rodericus S. I. sub mortem flagello
in se desariens.*

Sanguineis moriens pingebat terga lituris;
Aternaturum perficiebat opus.

S. Theresia ab Angelo sagittata.

Dum telō ignitō cor Virginis aliger icit,
Ictus hic, emplastrum vel panacea fuit.

*De S. Christophoro ut plurimum in parieti-
nis templorum pingi solito.*

Statura in coelis si par non omnibus esset,
Christophorus longē maximus esset ibi.
Scilicet affixus templis, noctesque diēsque
Hæret in obsequijs, pufio Chrille, Tuis,
Fidicini facile principi.

Tam scitē chordas fidium tu radere nōlli.
Noveris ut chordis radere corda magis.

*Clemens X. familiā Alterius, Pater
universalis.*

Per sex, quos sedit Clemens Alterius annos,
Alterius potiūs quàm suus ille fuit.

Laus Urbis Plsna in Bohemia.

Plsna Bohemorum vetus Urbs, atq; inclyta gestis,
Armis, Doctrinā, Religione, sacris.

E senis unam tantum vocalibus Alpha!

Continet, usque adeò consona semper amat!

Alpha (inquā) quod ei, me iudice, signat Amore,
Quem dudum Cives promeruere sui.

*Claus, Saxonis morio, floccò percussus
moritur.*

Percutitur Claus (placuit sic ludere) floccò;
At floccus flocci non fuit, ictus obit.

Innocentia saepe vapulat ut rea.

Flos nive candior, vita inculcata; nec abs re:
Sæpe venenatus bruchus utrumque petit.

*Æreus in ponte Pragensi Crucifixus, ab ar-
te imprimis pretiosus.*

Ærea (quam stupeas,) Christi morientis imago;
Artifici potius cerea, visa fuit.

Ubi fraus compertu difficilis.

Oeconomus, Molitor, braxator, ovilio, scriba,
Fraudibus innumeris insidiantur heris.

* Opilio quasi ovilio. Calepinus.

De Gnomonica.

Sol facit illustrem, de qua modò scribimus, artem,
Quam simul obscuram gnomonis umbra facit.

*Fames in Ægypto, & aqua in sanguinem
versa, ad Pharaonem.*

Præter pincernam datus est in vincula pistor,
Hinc metuenda fames Rex fuit, indè sitis.

Fabiorum numero 300. pro patria mors.

Ter centum Fabij patriæ moriuntur amore,
Nunc similes, mera sunt fabula, credo, fabæ.

Juris utriusque Doctor quis?

Doctorem juris dicendum utriusque putârim,
Qui recti ac æqui jus docet, Idque facit.

Author totius Universi.

Author naturæ Deus est, naturæque rerum,
Ergo! totius fons & origo Deus.

*Ad S. Franciscum Seraphicum pro Christo
pauperrimum.*

Omne Tibi pretium vile est Franciscæ, nihilq;
Unica paupertas est pretiosa Tibi.

Cuidam versuto.

Prodere sermo solet, mutató nomine mores,
Quid faciat, porro dispice, sermo tuus.

Christus triduo in sepulchro.

Tres à morte dies in terræ corde quievit,
Post consummatum grande salutis opus.

Plus

Plus fuit ergo pati Numen, quàm cuncta creasse,
Cum satis una dies quâ requiesset, erat.

*De inscriptione templi Delphici. S. I. ex
Plutarcho.*

SI, fuerat quondam Delphis inscriptio templi,
Ad Socios JESU pertinuisse putem?
Venturos jam tunc præsagus Apollo timebat
In templum quod ijs jus, tripodemque foret.

S. Judas Thaddæus & Judas Iscariotes.

Judæ Thaddæo Simon Chananaeus adhæsit,
Simonia istum concomitata fuit.

Nemo non Medicus.

Tot propè nunc Medici numerantur in orbe, quot
ægri,

Ut propè jam quævis vendicet herba suum.

De apparitione S. M. Magdalene in horto.

Prima resurgentem, Marcô referente, Maria
Vidit; at hæc pariter prima, secunda * fuit.

* Secunda à Matre Dei.

JESUS in specie Hortulani visus.

Magdala dum florem Nasarenum quærît in horto
Ecce Olitor, florem qui redolebat, adest!

Neo-Doctori Medico.

Ægris proficuum Petri cum legeris umbram,

Esse voles Medico, promptius umbra seni.

Ars medica omnibus, unice scitu necessaria.

Nil potius vitâ ; nil denique charius illâ ;

Quidni omnes Galeni Hippocratésque sumus ?

Tessera Jesuitarum propria IHS.

Transeat in veram, conficta calumnia, laudem,

Quæ Iesuvitas fingit Habere Satîs.

Confirmat Xavier ; satîs est, satîs inquit, & inquit,

Nam Si Habeo Iesum, non peto plura, sat est !

Illustrissimis Fratribus Ferdin. & Franc:

M. de C. & W.

Jam vetus ac tritum est ; rara est concordia fratrum,

Vestra etiam rara est, & quia rarus amor.

Eximia virtutis Viro,

Vix valeas si fortè velis, desistere cœptis,

Usque adeo virtus est dominata tibi.

Festum Adami pridie Natalis Domini.

Antèit Natalem Christi, Natalis Adami :

Causa, quod is nasci debuit, ille fuit.

De Psalmo quinquagesimo.

Quinquagesimus est psalmus Miserere ; supremus,

O utinam psalmus, sit Miserere, meus !

Primus erit versus totum Miserere ; secundus ,
Imponent super altare tuum vitulos !

Saxonia nunc acatholica.

Quantum ad divini sementem & fœnora verbi,
Non malè Saxoniam dixeris esse petram.

Bibino.

Sæpe Bibine tibi non poto, sed opto salutem,
Potas non optas sæpe Bibine mihi.

Ad per vetustam Maloveciorum Gentem.

A Mediolano medium retulistis equellum :
Haud profugi, totô non eguistis equô.

*Inter Nymphaas stirpis Martinicæianæ,
Stella media, Sternbergiorum.*

Has ego Nymphaas quasi quasdam ex æthere
Nymphas

Dijs in connubium suspicor esse datas.
Has inter sidus radiat quas prensat & ambit,
Quò cognata illis esse vel astra queant !

Optimi Parentis optimo filio F. S.

Te similem natura tuo facit esse Parenti ,
At longè virtus ingeniûmque magis.

*Prænobili D. Mathie L. recens in Senatum
cooptato.*

Sors in Mathiam cecidit, fecitque beatum ,
Cum

Cum sorte undenis connumeratus erat,
Undenis accessisti cum nuper amice,
Se meritis voluit fors sociare tuis.

Admodum hebeti.

Quodam ajunt asinum, quâ nescio gente, voratû,
Hanc tu nôsse stude, nè comedare, fuge.

Se Deum Patrem stultissimè credenti.

Si quis sit, nescis, stultorum maximus, audi!

Reflexa in speculo dicet imago tibi.

Filius æterni cum sit, Sapientia, Patris,

Absque hac, æternus quî Pater esse queas?

ROMA quid?

Est Regina Orbis, (Roma urbs) quia Mater Amoris

Nam Roma, inverso nomine, fiet Amor.

Author cancrini Carminis, demon, æternum reprobus.

Quomodo retrogradus relegit vestigia cancer,

Author cancrini carminis ire nequit.

Illustrissimo D. D. Bernardo L. B. de Wieznik.

Nil vester Canibus Canis invidet astra duobus,

Cui Cœlum præbet tessera vestra suum.

De fracta S. Ignatij tibia ictu tormenti.

Ænea vix fuerat fors fistula glande soluta,

Ossea Lojola tibia fracta fuit:

Quid

Quid modò concentu virtutum suavius illô,
Cui hæc principium tibia fracta dedit?

De æquinoctio.

Mensuræ noctis, par est mensura diei,
Non ideò fuerint nóxque diésque pares.

Lepidus Galbæ musurgi, præ senio lippientis, error.

Galba senex, musurgus erat, jam lippus utroque,
Is penè obruerat vociferando chorum.

Accidit ut folium fors musca infederit olli,

In qua quadratam tunc ratus Ille notam:

Cùm celerem non una fugam caudata juberet,
Per tactus reboans subllitit ille duos.

Illico grande chaos peperit confusio vocum;
Riserit ut plenô quisque liene chorum.

Intercà dum Galba notam fortè indice monstrat
Mox nota desertâ sede quadrata volat.

O importunam tibi Galba misellule muscam!
Non fuit hæc certè musica, musca fuit.

De linguis Angelorum ad Theologum.

Angelicè loquitur quisquis mendacia nescit,
Nullus enim mendax, Angelus esse potest.

*Ad Illustrissimas Guttensteinianã & Zvrt-
byanam familias, de gentilitia utriusq; tessera,
ambabus communi: Ex Paprocio.*

O Magnæ stirpes Patriæ! cognatæque signis,
Guttensteiniadûm Zvvrthbyadûmque Domus!
Quàm vestra in lucis virtus eluxerit olim,

Testatur donis ipsa Diana suis.

Cornua sex Vobis (Cervorum?) in præmia cessit,

Quæ modò sunt Clypei pulchra corona sui.

Cornua quæ Cœlo attollunt ceu brachia ramos,

Auguriò, multa in secula, & astra, bonò.

Cornua quæ Divis ipsis * cognata fuère,

Et Vobis cornu, spero, salutis erunt.

* S. Ludmila ex hac familia.

Ad Illustrissimam Wratislavorum pro-
sapiam.

Primæ vos nomen spirat virtute Bohemos,

Unde revertatur Gloria * prisca Patrum:

Gloria quæ proavis, abavis, atavisque vigeat,

Candor in innocuo pectore, in ore rubor.

Hinc Clypeò vestrò geminos fert tessera campos,

Indè quidem rubei sanguinis, indè niger.

Nigrum nempe nigrum Patres vocitare solebant,

Album contrà, album dicere moris erat.

O Campi illimes, similésque innubibus astris!

Hæc! hæc! constanter Gloria vestra fuit.

* Wratislav videri Boh. quod redux gloria.

In salicibus suspendimus organa no-
stra. Psalm. 136.

Quæ radice caret, nulla est, quæ frondeat arbor,

Præ-

Præterquam una Salix: tam solet esse falax.
Hinc aptè in salicum ramis hæc organa pendent,
Præsertim, ut dicta est, à saliendo salix.

Illustrissimo D. D. Joanni de Clary & Al-
tringen S. R. I. Comiti.

Ad Clarium quondam Divus consedit Apollo,
Invenit Claryum Te mea Musa novum.

De duodecim signis Zodiaci.

Interstincta suis sunt divertoria signis,
Et sua bisseis Sol notat astra notis,

Aries.

Vim patitur Cælum; sola id violentia vincit,
Arietè pugnandum est; qui quatit, astra rapit.

Taurus.

Ecquis lascivum promovit in æthera Taurum?
Traxerit in Cælum fortè juvenca Venus.

Gemini.

Nobile par fratrum Gemini, cum Castore Pollux,
Ob nexum, geminò dignus uterque polò!

Cancer.

Retrogradè quôvis sol astra pererrat in anno,
Cancer cum reditûs admonet iste sui.

Leo.

Addictum sphæris qui nesciat esse Leonem,
Affixum sphæræ cœlitus esse videt.

Vir.

Virgo.

Formosa hæc Virgo, si Virgo manere volebat,
In cœlis, meritò Jure, locanda fuit.

Libra.

Qui tribus in digitis terrarum appenderat orbem,
Jam tunc Justitiæ lancibus, usus erat.

Scorpius.

Scorpio Cœlestis minitatur in orbe scelestis,
Se stillaturum virus in hosce suum.

Sagittarius.

Aptior est Castris, quàm pacis amantibus astris,
Nî pharetratus Amor saucia corda velit.

Capricornus.

Suspitor, evasit Capricornus in æthera saltu,
Cum jaceret montes fortis in astra Gigas.

Aquarius.

Flammarum nè sint metuenda incendia Cœlo,
Perpetuas illic iste ministrat aquas.

Pisces.

Quæ, pisces muti, passim jejunia signant,
Piscibus in Cœlo promeruere locum.

Septem Planeta.

Errantes stellas numeramus in æthere septem,
Nempe Planeta in se septem elementa gerit.

Lu.

Luna.

Luna planetarum, Coelô infima, proxima terræ,
Deliquijs adeò parvula facta suis.

Mercurius.

Lunam inter Venerémq; situs, cū corpore parvo
Mercurius, furum creditur esse Deus.

Venus.

Mane præit Soli, præcurrit vespere Lunam,
Quò faveant, puero Lunaque Sólque suo.

Sol.

In medio Sol est; tribus hinc, tribus inde Planetis
Adstitibus; quidni Rex utriusque poli?

Mars.

Vicenis quatuor Mars mensibus astra pererrat,
Quò pactô Mensis Martius omnis erit.

Jupiter.

Bissenis Coelum decurrit Jupiter annis.
Ergône non senior quàm duodennis erit?

Saturnus.

Annis terdenis Saturnus conficit Orbem,
Importátque famem sæpius; esur adhuc.

Lucifer.

Quomodo de Coelo cecidisti Lucifer olim?
Casus hic, occasus manè orientis erat.

Epi-

Epilogus.

Centuriæ decumæ, sunt terminus ultimus astra;
O Cœlum, ô vitæ terminus esto meæ!

Lectori.

Evadent mera grana salis, mea sensa falésque,
Si tu cum grano legeris illa salis.

FINIS.



OPERIS.





